


文苑英華

五百九十一之六百




表

庫文閣内			
函	三 七 二 六	漢	
架	一 〇 〇	書	
	冊	號	類

庫文閣内			
函	三 七 二 六	漢	
架	一 〇 〇	書	
	冊	號	類

内閣文庫		
番號	漢	3726
冊數	100	(60)
函號	361	53



文苑英華卷第五百九十一

表三十九

謝親屬加官

此卷英華所編失年代先後今正之

淺草文庫

為魏王武承嗣謝男授官表一首

為王華暢謝兄官表一首

為桓彥範謝男授官表一首

為并州長史張仁亶謝長男官表一首

謝弟誥除給事中自求改職表一首

謝兄除太常丞表一首

為李晉公謝賜兄章表一首

謝兄除補闕表一首

為許卿謝堂第表一首

為許卿謝堂第表一首

為許卿謝堂第表一首

為許卿謝堂第表一首

為許卿謝堂第表一首

為許卿謝堂第表一首

為崔僕射謝許事寬宣慰表一首

代郭令公謝恩尚公主表一首

為崔僕射謝第除給事中表一首

為郭令公謝一子三品官表一首

代李僕射謝男賜緋魚袋表一首

謝妻封弘農郡夫人表一首

謝兄授太子僕表一首

謝兄授秘書省著作郎表一首

代尹僕射謝男宥授安州刺史表一首

代杜司徒謝男授官表一首

代杜司徒謝妻封邑表一首

謝兄除官表一首

為族兄瑗謝守度支尚書表一首

代戶部孫相公謝授兄太常卿表一首

為魏王武承嗣謝男授官表

武后

李嶠

臣某言伏奉恩制除臣息尚舍直長史某為左監門衛長
史榮隨恩集歡與懼奔臣攀軫日車附流星漢才無天質
藝以地高陛下每降皇情特垂聖蔭先親後踈之澤自葉
流根謀孫翼子之慈愛人及息遂復推恩家室假職幼童
參九等之班榮掌重門之禁衛賞延之命寧待於勲庸敦
叙之風但緣於骨肉雖東平之子能趨拜咸錫印章齊國
之地可割分悉侯支庶豈足以方斯嘉惠匹此殊渥奉絲

綸而仰德叩木石而論心受生於天但知榮荷曝骨於地
何階酬答無任悚戴慙懼之至謹詣朝堂奉表陳謝以聞

為王華暢謝兄官表

武后時

臣某言臣兄某前某官某月日特蒙恩詔擢授武州司馬
未及赴職即八月改除亳州司馬再三榮命叨荷恩私在
臣宗門實為慶幸臣兄自歸解巾從仕三十餘年五為縣
宰三遷州佐政皆通顯職實蕃勤直道在公有始終之節
平心應物無造次之憊在於周行頗蒙推澤近屬虺寇構
術惑亂豫州詿誤平人自貽梟滅陛下憫荆河之俗遭此
無辜弟海濱之人使同昭慶以為奉揚皇化者必藉其才
撫御窮人者亦資有德臣兄同濫承天獎遷移武州在
天恩賞為超擢今者未及赴任復蒙改授亳州重疊承恩
翻同貶降朝廷體例實以為先臣兄弟叨榮濫竊非據臣
兄既授不合冒聞但以始者承恩越蒙抽擢今有何過遂
同左遷區區懇誠輒敢祈懇伏願皇恩有裕降昭獎之恩
兄果竭忠獲展才之地小臣死而猶生之年臣無任

為桓彥範謝男授官表

中宗

吳少微

臣某言伏奉某月日恩勅以臣男某為某官臣實多幸偶
遭皇運鳴玉以相建土而王大錫崇榮斯亦極矣先臣老
母復荷渥一作恩追亡寵存光被窀穸自妻及弟雙綬一作

綬六加闕門振耀惶懼

一作愧

未已今臣子某誠惟髻弁

一作

年力

服臣之榮為祿已甚更承天秩將何以

一作

堪殊澤

文苑英華 卷一百一十五
三
蔣臨斯厚臣寵

一作閩門光寵

敢不祗奉拜命之休無任悚荷之

至

一作皆唐類表

為并州長史張仁置謝賜長男寧表

中宗

富嘉謨

臣某言伏奉二月十四日勅賜臣絹一百疋又奉其月二

十六日勅除臣男之輔尚舍直長史麗澤之來匪月而降

受賞轉級惟臣父子寵渥所分臣無與二夙夜惶悸萬殞

增惕然旌節所統緣邊千里禦寇既廣兵賦自殷受任非

據屢移年紀未能司大事而靜外處疑汙小康而蠲內役

而崇班厚貺載在臣門何以祗拜殊渥光顯休命此微

臣所以有死無報也南宮闕庭以榮受疑作懼無任慙歎

之至謹附表陳謝以聞

謝弟詵除給事由自求改職表

玄宗

蘇頌

臣某言伏奉本月二十四日勅以臣弟左司郎中臣詵

給事中嘉命猥臻一作臨惶怖相視榮以為感一作戚忙然失

圖臣某中謝臣兄弟一作兄弟數人獲承累代之庇自幼而長

惟愚與直臣一作弟某臣詵初一尉耳竊願從微守分置思

養拙邀榮而乾道曲臨一作臣門特幸前恩罔謝後忝仍

及生臣者父母寵臣者聖明非臣等殞首流腸少酌萬分

之一臣某中謝臣自叨清切頗歷星霜之鍾會五字之敏

多王濛四年之任竟未能竊一策進一賢雕蟲粗辦其所

為濡翼久知其非擬下慙先臣戒盈之訓上負聖主則哲

之明常甘屏黜以待髦俊豈悟臣詵復私成造比臣則行

有餘力選衆則曾無足言遂使聯事掖垣同趨階一作起軒陛
或紊公式必招私議臣知不可物謂臣何一作其宜安有兄弟
妾庸並居東西要近臣宗醜愧非敢身謀事或乖一作違
實塵皇揆伏乞羣臣自下之審察臣由衷之請一作至臣策
誅殊榮既拜奉綸紱一作紳而難迴臣頹薄技何成顧瓶簞
而易竭指於十手臣假違寧不如一腋臣將焉用所冀移
臣職守允臣陳乞一作請抑朝章之是移匪等列一作臣等之攸
宜悽悽款誠昧死期達無任一作極荷屏營之至一作謹詣肅
章門外奉表以聞又臣先臣某往忠社稷陛下特賜茅土
遂臣所讓因授臣第四第又右補闕亦希別從選序不敢
同在近侍臣之感恩不識爲喻輕黷旒冕懼深沐谷

謝兄除總目太常丞表

臣某言伏奉今日日恩制除臣兄某太常丞跪發詔書
駭聞里寵益益懼喜極而悲闔門感恩垂淚相賀中謝臣
自登兩府倏三旬天地之間未裨塵露雲雨之施已遍
公私撫心載驚顧影增惕伏以臣兄列官清憲專於察視
臣又承朝皇樞課其條職苟憊綱紀責在隼繩所以請移
別官冀循常序聖慈曲被命數有加獲陪卿士之行更列
大夫之後遇深賤臣合懇辭恩及長兄不敢多讓誓將
死節上答生成云

爲公謝賜兄章服表見六百二十九苑咸

謝兄除補闕肅宗

臣某言伏奉 上旨 長安縣尉某特授左補闕內供
奉賜紫金 忽降於重霄非次之榮猥延於
同氣自天存 臣某 中謝 臣兄比因寇孽潛跡
江湖臣侍奉 皇輿委身已蜀艱虞萬里兄弟一方分成吳
越之人久切支離之恩陛下克清禍難再闢寰區臣兄幸
遇休明得歸鄉陌雖骨肉之愛重喜 而班秩已停父
嗟失職臣昨因對奏遂竭懇誠情至 言將無隱陛下
道弘孝理念廣睦親載懷遂物之仁爰 在原之急皇慈
曲被朝獎仍加擢同補衮之司錫以腰 之寵况臣官參
秩禮任在司言身上列於紫垣兄遽升於青瑣故得連枝
捧日方並侍於軒墀比影朝天復惣華於朱紫一門受
於增榮斯實眷自宸衷恩加望外臣比承顧使奉不
人今又沐殊私特延慈旨投軀有地報德無階非臣灰粉
所能答效惟當昆弟相勗以孝資忠螻蟻之負細塵誓將
裨補烏鵲之銜微志願填河將九死而猶生豈百年之
足謝云

此篇元誤 五十八卷公卿雜謝門今移入于此

為

授青州節度使表

肅宗

于邵

臣某言

恩制除臣堂弟叔冀青州刺

史兼御中

州節度使不次之恩特出聖

鑒大未之... 喜頓首頓... 之道也... 感皇帝陛下... 而戡難遂使... 人如叔冀者... 薄節轉戰微功而寵寄雄州榮兼獨坐為叔冀之非望實舉宗之所懼今復割海岱之衆創立節度之權超將中軍兼領仍舊受委... 勲飲至責其總... 寧臣緬惟代業竊又自愧臣之父河西節度使先臣... 之... 故事人或賴焉而叔冀何功實膺克荷非臣所感時論皆榮追懷父子之... 雖偶中外義形骨肉事濟時康死復何恨無任感恩競躍之至謹詣某門奉表陳謝以聞

為崔僕射謝許弟寬宣慰表

代宗

前人

臣寧言中使馬承倩至奉傳德音特自宸睠矜臣束身遠鎮兄弟別離許令弟寬與臣相見義切君父恩連骨肉神冤驚駭不知所之... 小衆所鍾憐臣在劍門強逾二紀形影相吊未嘗棄離忽遇聖朝委臣方面在寬何有累踐班榮職綰通曹貴通三

獨功慙汗馬業謝屠龍禁掖禮闈踰津越分每一念至刻
心如焚縱脂分戰場血染邊草未之云報降此無圖上感
推心下排飛謗惟此之際臣知所安但以蕃寇外虞蒼黃
後命飲至清廟或未尅期所冀慙來不失宣撫臣之願也
每羨聯行獨憐廻鴈長思共易不着新衣無任感戴慙惶
之至

爲崔僕射謝弟除給事中表

代宗

前人

某言伏見某月日恩制除臣弟審給事中寵命自天驚
榮豈龜求惟非地覩面何深臣某載競載躍頓首頓首臣
姑准以周代傳素業衣冠祖襲豈望繁華至於伯仲雖聞
之下錄臣久戍之勤待罪西南時逾一紀分憂障塞
兩蕃策無類於燒牛功有慙於求大長懷尸素之責重貶
門戶之羞今則恩聯兄弟澤及中外在審何者累踐通班
未聞三諫之勤伏忝八年之寵將何以曲承顧問接武名
儒分陪掖下之榮專掌殿中之事在盈知缺居寵思危臨
深履薄莫之爲喻伏以王居渙汗方鎮途遙遠有所聞推
疑作謝無及空慙爲人之擇不遂免冠之讓臣無任喜躍
屏榮之至

代郭令公謝男尚公主表

代宗

吳頌

臣某言伏奉某月日恩制授臣男駿試殿中監駙馬都尉
尚昇平公主聖慈曲被焜耀私門揣分慙恩以榮以懼臣

本寒素類表作愧非閑閱幼男弱稚類表作植又之義方

陛下以臣備位台司服勤王室時收賤族許以國姻宗黨
生光室家同慶門開魯館地列沁園事出非常榮加望外
恩深義重何以克堪糜軀粉骨不知所報無任感戴受恩
之至

為郭公謝一子三品官表

邵說類見表

臣某言伏奉二月二十一日恩制勅賜臣一子三品之官
并階鴻私曲臨竄守飛越臣某中謝臣聞祿位之設以待
勤賢苟非其人必貽伊咎臣之弱子未有令聞方且勵以
我方教之詩禮遽承殊澤將授崇班非唯有黷朝章名書
難假實亦懼招官謗顛沛為憂寤寐兢惶罔知攸處况臣
榮登上相任重總戎子弟數人盡居右職過亢之誠切
於心既懷棟撓之災寧忘屋漏之媿乞停寵命俯遂愚衷
庶幼童無冒進之嫌微臣有知足之誼無任感懼屏營之
至

代李僕射謝男賜緋魚袋表

令狐楚

臣某言臣得進奏院狀報今月七日聖慈召臣男公敏令
對見其日中使馬承倩奉宣進止賜緋魚袋欽承失圖啓
處無地臣某中謝臣才非動衆勇不兼人仰一作緣枝葉
獲展筋力荷天百祿幸據於周詩遺子一經誠慙於漢史
男公敏義方未教容止無儀伏蒙陛下召入清禁之中立
於丹墀之下遠憂顛沛伏用兢惶特受宸恩榮縮朱紱八

類表作豈意明命曲臨榮光下燭小鵲 猶佩忽帶金章褐衣纔解便縮朱紱 生成之功不次浸

潤之澤無涯重若戴山輝如衣錦匈奴未滅方忍耻於愚

臣童子何知復受恩於聖主六姻交賀百衆同歡空竭節

於邊陲豈酬仁於覆載銘膚鏤骨不敢殞墜所守有限不

獲陳謝臣無任感戴屏營之至

謝妻封弘農郡夫人表 代宗

常衮

臣某言伏奉恩命賜臣妻楊氏邑號封弘農郡夫人伏以

古者卿大夫之妻成曰命婦亦曰一作內子但有稱謂皆

無封邑其後雖有名宦延鄉陳留風俗傳漢與項氏戰厄

延鄉為封丘縣以封翟毋英 華誤作延鄉類表闕二字之錫亦無夫人之號唯漢魏

戚里晉宋外家平原清河疏郡以馭貴建昌高密啟邑以

睦親猶止於郡縣君而已近代著令國朝相襲階至三品

妻封夫人上比鵲巢遠齊翟第禮秩兼盛等威稍逾其或

襄贊類表作 襄勸勳臣光華戚屬以茲而授尚可相循臣以凡

賤謬承委遇尸職已久愧心匪寧仰酬國恩分寸未展內

省家事慈渥過豐又蒙曲私霑及主饋特封嘉號載錫徽

章中壺慶其秩高外姻賀其禮盛儀參貴列寵極私門自

顧何功叨榮至此頓逾涯分退益兢惶無任荷戴屏營之

至謹奉表陳謝以聞

謝兄授太子僕表 代宗

前人

臣某言伏奉五月十七日恩制授臣兄依前秘書省著作

郎太子僕特恩曲降殊私一作下霑踴躍宛轉競惶震越

萬曆六年重刊

臣某誠歡誠懼頓首頓首臣自承錄用已積歲時內省微
効未申消瀝虛受祿俸有覩官榮在公無益於已多罪一作

已寬及私之幸又獎臣兄伏以頃冒朝章兄合坐罪一作

伏蒙慈貸仍進常班庇一作賤孤門已墜復立蒸嘗獲一作

將廢更存寵被幽明感涕橫集一作戴求之古今一作

臣此例雖肝膽塗地未塞前責而糞土餘生尋加後命臣

授方鎮一作兼錫崇階兄拜宮僚又參高秩慶聯鴈序澤

及翺一作飛承命若驚何功至此愧心踧踖報汗流離非

望驟遷罔知所措殘骸萬死難以上酬無任感荷兢抃之

至謹遣散將某官某奉表陳謝以聞一作皆唐類表

謝兄授秘書省著作郎詔衣代宗 前人

臣某言伏奉閏五月二十四日恩制授臣兄太常丞秘書

省著作郎臣待罪兢灼啓處不遑寵命荐臨驚抃失次臣

某誠喜誠懼頓首頓首臣上負國恩自抵邦憲聖慈矜宥

屈法全生猶許自新特虧令典一作時惶怖殞越夙夜載

馳雖荷殊渥尚憂嚴命臣兄今一作從連坐伏待貶官不

謂玄造曲成鴻私下覆在憂惕之際特受寵榮當譴斥之

時忽承遷轉品秩下降清望有加復齒周行獲陪班列向

非親紆聽斷俯燭幽微則骨肉分竄於殊方簪裾未絕於

昭代豈望更霑人次再沐朝奉罪重丘山恩過天地感戴

慙報俯伏驚惶臣竊自思惟無所上報庶將懲改前過克

勵殘骸苦節誓心冀申萬一無任感恩惶一作懼之至

一作皆唐類表

代伊僕射謝男宥授安州刺史表

憲宗

呂溫

臣慎言伏奉某月日勅

集作制書

授臣男宥安州刺史兼侍御

史充武昌軍兵馬留後仍賜紫金魚袋者雷驚里巷日照

闔門寵命自天戰跼無地臣誠懼誠感頓首頓首臣聞惟

君任臣固無虛授知子者父敢私不才臣頃者伏以聖政

惟新時清無事遂絕指縱之望求中戀主之誠陛下以臣

統兵

集作所統

歲深周涉

集作旋

艱險長三軍之子弟積百戰之

瘡痍將有去留念其情義理資感勵事貴便安爰勅臣男

試總戎務臣雖訓之以義教之以忠而鈍拙

集作朽鈍

有涯策

磨靡及童兒

集作

代斷每懷傷手之憂小子

集作兒

在邊

加金組且初午之為軍尉父已懸車陸抗之將父兵子非

綵服豈比臣身居端右男領方州鳴玉會朝朱轡行縣

樂

焜耀中外超冠

集作冠超

古今名數之樂何加

集作如

人臣之

事斯極千載至公之運獨被殊私萬物咸遂之辰先蒙曲

澤瀝肝呈膽莫盡微誠毀族滅身

滅集

寧足上

報臣無任

感恩殞越之至謹奉表陳謝以聞

代杜司徒謝男授官表

劉禹錫

臣某言伏奉今月一日制授臣長男師損祕書省著作郎

次男式万太常寺主簿又得進奏官裴遺狀報伏承聖恩

特降中使送官告到臣宅分付師損者寵渥非常授任不

次驚躍無措，醜懼失容。臣某中謝。臣繆分重寄，獲守外藩。受恩既深，無績可紀。男師損等器，惟凡品教，闕義方早沐。睿慈已階官次，每懷塵忝，常誠蒲盈。豈謂鴻霈曲覃，大明私照。寬臣尸素之責，念臣葵藿之誠。命下延恩，集作下叨踐班級。天書出禁中，貴臨門榮冠等夷。慶流宗族，况著作乃撰論之地。唯史才是居太常，寔禮樂之司。非儒者勿履。顧茲庸謬，集作味忽此超昇。內省慙惶，若墜冰谷。伏以聖朝立制建官，惟賢名實無乖。輪轅盡適，微臣父子獨為幸人。非據踰涯，自中徂外。虛受丘山之賜，實增負乘之憂。進退徨彷徨，不知所履。集作據無任戰荷屏營之至。

代杜司徒謝妻封邑表

憲宗

王仲周

臣某言。伏奉恩制，封臣小男母李氏密國夫人。臣某中謝。其禮經明文，婦人本無爵命。秦漢以降，優賢以寵。閨門固無繆及，有紊。褻典。臣小男母李氏，本非主饋。若貴云因。予臣男尚自賤微，禮有從夫。臣妻又早逝歿，豈伊末品，忽被殊私。此蓋陛下念臣齒髮漸衰，賓祭無主，俾立家而有裕。遂開國以疏封，詩美鵲巢，懼無德而自處。禮榮翟茀，恐負乘以貽災。瞻上天而以懼，以慙。顧中閫而載榮，載躍不任。荷懼屏營之至。

謝兄除官表

歸冕

臣某言。伏奉某月日恩制，授臣兄前湖南觀察判官侍御史內供奉賜緋魚袋國子監博士兩露殊私，忽露微賤。儒

雅盛職光寵衰門承命宸驚感恩躍踴臣聞聖王尊學庠
序爲本故堯命后夔典樂以教胄子周立師氏以教三德
漢制博士以教五經歷考校學之官蓋今博士之任用人
之選非賢莫居臣兄幸遇昌時守臣之訓孤貧好學以傳
家業而聖代推恩遂及兄弟位登五品光賁一門感鶴鴒
之詩增友悌之愛齒羔鴈之序媿荀陳之才况臣受任左
隅莫申涓効寵榮荐及灰粉難酬誓期殺身以酬萬一無
任感恩殞越之至

爲族兄瑗謝守度支尚書表

王涓

臣某言伏見詔書以臣族兄瑗守度支尚書三元告慶萬
國朝宗榮命與璧月相輝厚澤與金雲並潤顧其疎薄寧
不驚鷲臣某中謝臣聞坳堂之水必膠於置杯曲木爲
無階於刻楫何則適用之風斯替其効靡成失材之道旣
彰厥功寧著相彼庶物尚或其然矧伊名器理難冒居一作
叨微臣自料浮淺業藝何甄德匪潤身學慙爲已文辭小
道曾無沉鬱之才刀筆淺能非有精明之舉特以夙因多
幸筮奉承華猶見錄其疲駘且弗遺其管蒯高榮好爵疊
委履疑作屨屢入掌便疑作傍參侍從事然積步竟慙一割竊
妨賢路深希退託降階之念空誓丹愚昭著之恩更彰綸
綬差肩六尚方駕八元內省輟輕義無祇冒伏惟陛下明
兼七曜照及九幽疑作臣近虧則哲特願褰茲旒纒察
是芻蕘廻此如繪疑作石則失應之善永息得人之美

載揚物議允諾朝式序不勝

代戶部孫相公請授兄太常卿表

唐末

錢珣

臣某言伏奉今月某日勅命授臣親兄太常卿檢校右僕射者霈澤下臨私室相慶臣某誠歡誠荷頓首頓首臣兄某抱公藏器據德有鄰為善而不欲近名從政而但思利物自臣遽升台輔獲導化源雖向國去秘戒臣常切而入門避事遠謗每深出趨垂拱之朝退務掩關之樂陛下禮行舟楫念及墳笮慰其友愛之懷進以優崇之秩伏以九卿之位歷代所尊舜以三禮命伯夷漢以奉常加稷嗣倚古則重得久始光用典之難敢言兄氏方懷慚惕忽荷皇私而皆峻銀青寵兼端揆喜溢在原之屬恩加電疑作相須但有胼胝之誓臣無任

文苑英華卷第五百九十一

文苑英華

卷第五百九十一

文苑英華卷第五百九十二

表四十

謝文章

謝撰懿德太子哀策文降勅褒揚表一首

謝撰攀龍臺碑蒙賜物表一首

為納言姚璆等謝勅賜飛白書表一首

為文武百僚謝示鏡圖表一首

謝賜碑額表一首

為李僕射賀聖製政刑箴表一首

為戴中丞謝賜中和節詩序表一首

代李令公謝手詔為製東渭橋碑文表一首

代陳司徒謝勅賜麟德殿宴百僚詩序表一首

謝賜中和節御製詩序表一首
為李大夫謝御製詩表一首

謝撰懿德太子哀策文降勅褒揚表 李嶠

臣某言昨奉勅令 臣撰懿德太子哀策文 臣術異懷蛟藝
非吞鳥四科函丈多謝於文學七子登筵有慙於詞賦
聞聖旨輒奏庸音豈足以褒叙重離激揚三善宣眷慈之
惻愴述天顧之綢繆曲降絲綸猥垂剪拂諭之以雲關
下方之以陸海潘江飾嫫母之容加其粉澤營砒砒之質
發其光彩雖宋王大言見褒於楚國公孫下策蒙賞於漢
朝無以比比此揄揚方斯恩渥欽戴紫紱伏銘玄造仰高天
而發倅顧短札而成羞無任慙荷戰懼之誠謹詣閣奉表
陳謝以聞

謝撰攀龍臺碑蒙賜物表

臣嶠言伏奉恩勅編撰攀龍臺碑文賜 臣物四百段研精
不優篆刻無術下帷闕蛟龍之學搦管慙鳳凰之思猥辱
隆命俾圖光範戴天知跼仰大象而增迷遊聖為言撫管
魂而自失寧足以發揮一德揚推萬分述虞后之孝思談
姬文之著業而天情不賈帝造無涯式推愛敬之心用廣
褒崇之惠披文相質本殊黃絹之詞頒賞計勞遂承紫泥
之渥荷寵惟懼瞻恩戴覲祗奉之日棟汗交馳無任慙戴
屏營之至謹附洛州奏事使具官 臣某奉表陳謝以聞
為納言姚壽等謝勅賜飛白書表

臣璫等言今月十一日侍宴蒙恩作飛白書題臣等名字垂賜跪承寶貺仰戴瓊文如披七曜之圖似發五神之檢九霄靈澤與垂露而同霑千載嘉祥共廻鸞而並集冠六文而首出掩八體而孤騫恥乎若遊霧之拂春林霽乎似輕雲之上秋漢頡皇之始模蟲篆未足多奇劉后之嘗學史書孰云能擬固已工踰懸帳妙盡刻符鍾繇竭力而難比伯英絕筋而不逮則知乃神乃聖包衆智而同歸多藝多才總群方而兼善諒天機之獨運豈凡識之能窺臣等才埒瓶筭任叨衡右器滿之誠每切於愚心棟隆之吉實慙於明代而天慈曲獎聖造不遺厚祿尊官既殫恩而極寵良辰美景又申歡而接宴慶方行而已及澤未溥而先加殊恩與骨肉等深縟禮共衣冠相絕今復親陪睿賞猶流宸翰羸氏之魂遊天上未比超昇闕生之名在月中詎方遐邈昔者韓陵深博肇蒙於署劍田鳳名流僅聞於題柱未有芝英草聖近縛於綵牋合璧連珠俯光於掌握在臣叨忝獨冠古今方且示彼記言傳諸貽訓表一人之殊寵留百代之榮觀手舞足蹈徒申踴躍之心摩頂至踵豈答生成之施無任欣戴之至謹詣闕奉表陳謝以聞

爲文武百僚謝示鏡圖表

邵說

開元十八年張說已卒此表乃代宗時英華作張說非

臣等某言某日開府魚朝恩以所造周易鏡圖於中書門下奉宣聖旨傳示臣等仰觀易象遠見天心捧對循環載

欣載躍臣某中謝臣聞太極既立是生兩儀六書以畫卦
四營而成易備君臣父子之道盡陰陽變化之源理亂吉
凶必以類應自古哲后曾未研精爰及近臣莫聞訓習而
朝恩深窮損益績以成圖陛下重有激揚示之於外臣幽
觀妙用周覽玄旨警誠人君恢張治道陛下欲成其政必
在動而行之儻能建中於民實亦天下幸甚臣無任

謝賜碑額表

張說

臣說言伏奉今日恩旨賜先臣碑額悲荷交心拜捧以泣
臣某中謝臣亡父先臣隲安貞下位不待昌辰先帝贈之
以專城陛下目之以積善光賁重溼感慶三泉舉宗悲喜
列姻歡賀昔孔象吳札之墳秦存里子集作之壟辭集作
收來籍在臣在子移孝為忠心効草木何酬雨露無任幽
明感戴之至謹奉表陳謝以聞

謝脩史表

前人

臣某言伏奉本月十六日勅令臣在家脩史捧恩戴命且
喜且慙臣服道儒門策名昌運掌綸四后載筆三朝階緣
宿遇登集作躡端揆職為劇於心盡史無用集作而功廢
自貽官謫待罪私門及集作魯之感特集作深藏周之望
已絕豈意特流天青重緝簡書雖才慙左丘集作而時盛
周漢况復編堯舜之年事皆目覩叙義黃之德言匪傳聞
善志集作將訓於百王實錄可貽於千古國家之鴻業辦

文苑英華 卷一百一十五
尹鳳祥陳謝以聞

為李僕射賀聖製政刑箴表 崔位

臣某言伏見聖製政刑箴天文昭回八表皆燭睿藻稽古六經不刊臣某申謝伏惟皇帝陛下致理和平躋人壽域猶懷兢業重設箴規酌裁成立政之中求司牧措刑之本信成康之能事蓋堯禹之用心可以萬邦作孚千載垂範金石不朽日月俱懸爰自繩契已還歷選列辟憲章代有詞義罕攻湯製局促於盤銘虞歌淡泊於琴曲橫汾乃縱賞之事黃竹匪勸誠之文其餘流薄國風漂淪樂府典謨雅語寂蔑無聞曷若光啓格言昭融至道勤萬機於一日二日立盛德於先天後天長垂四日之明詎假百官之職惟方鎮宗忝葭莩成誦已在於丹心述宣願播於青史臣限以所守不獲奔走闕下拜舞天階無任捧讀跪戴抃躍之至

為戴中丞謝賜中和節詩序表 馬縵

臣某言中使至奉宣聖旨賜臣勅書手詔并御製中和節詩序及尺等天貺祥臨睿文亮發仰觀俯愧祗懼若驚自受殊恩守茲遠鎮才拙日淺政未及人陛下頻降寵私驟施惠渥雖大君獎飾其道則然微臣駑庸豈宜及此臣聞先聖有作不相沿襲苟合天理順乎人心則可以垂憲百王布諸彝典側覽明詔以二月一日為中和節事因祈穀

便賜歡娛兼賜臣物與書序一本尺一枝者伏以仲月良辰首建嘉節朝野慶洽君臣樂康助萌芽之發生擬天地之含育誠所以跨越周漢邁絕古今况聖人麗藻高懸日月皇儲妙翰益覩文明誕告萬方孰不歡抃又書同律度禮均衡石以尺頒賜固協其時敢不佩此謨猷謹於軌範限守邊鎮遂闕稱觴徒觀宴鎬之詩不厠賡歌之末無任兢荷歡躍之至

代李令公謝手詔為製東渭橋碑文表 于公異

臣某言某月日某至伏奉詔命以臣收復聖旨褒揚特為製東渭橋碑文皇太子書手詔賜臣及將士者驚拜捧荷魂神飛越臣聞霍光戴漢輔昭立宣鄧禹佐王寧人除或道扶衰運或功格皇天纔聞麟閣之圖適及雲臺之紀未有事微賞厚用淺報崇廻辰象之天文降明離之筆札跪捧尋繹慙惶失圖事出古今感深臣子雖百身殞越曾未賈於片言九族隳離實難酬於一顧臣某中謝伏惟皇帝陛下邁軒皇之武德續唐帝之文思六義不足以財成五聲徒表於宣暢躬親庶政而睿藻日新化洽萬方而宸章間作頃屬克徒扇結都邑震驚陛下克讓斯在推功勿居廻天漢之文章賜光輝於臣下英聲茂實演奧窮微昭宣造化之情黼黻蓋文之制顧乃上接彥範次述子儀此皆功贊中興道化來前循前緒陛下寔紹於耿光瞻慕勳庸微臣固無其二陛下特標文字曲降恩

私激揚雅頌之風儆厲人臣之節自家刑國垂範作程恩
誠借於微臣道將周于天下足使懷忠服義爭死節以駿
奔反側危疑望皇風而懲革史籍之所未有自此而書人
臣之所未聞自臣而始雖年踰知命筋力尚全國家西有
未賓之戎東有乘邊之寇每煩宸慮尚集王師顧此生涯
未知死所庶損微瑣之質少益覆載之仁限以戎鎮不獲
奔赴闕庭輕陳懇悃無任荷載惶灼之極

代陳司徒謝勅賜麟德殿宴百僚詩序表 王維

臣某言支使某官奏事廻伏奉某月日手詔賜臣以皇太
子所寫聖製麟德殿宴百僚詩序日月揚光風雲動色捧
受之次震駭失常臣某中謝臣伏以經天緯地者聖人之
文多才多藝者元良之美逖聽前脩旋觀往冊考論盛
罕見全能故漢后詠歌有非雅頌之旨周儲聰哲不聞翰
墨之妙伏惟陛下道洽帝堯文趨繫表體陰陽之變化與
雲漢而昭回皇太子德邁生知學資聖訓掩鍾張之筆札
並虬鸞以飛動臣特承湛恩荷此殊錫集榮光於外府啓
重寶於私庭班氏賜書既甚懸隔馬卿視草曾未比擬又
臣所獻奉和詩事等續作歌情同率舞濫吹之音謬塵
於天聽踰涯之賞忽降於絲言豈臣微力所宜負戴非臣
捐軀所能効益無任榮荷感惕之至

謝賜中和節御製詩序表

臣某言中使至伏奉手詔并賜臣皇太子所寫御製中和

節詩序聖... 臨天文下降日月爛其光彩風雲蔚其氣
色捧讀驚... 守失常臣某中謝 臣伏以天地有常萬物
必由其化陰陽不測聖人能為之節然後垂文章以鼓天
下之動張宴樂以道天下之和三五以還盛美斯在伏惟
陛下以道御物以文化成立言盡經緯之本秉筆節陽和
之中雖天旨玄深理絕於彌度而春詞煥洽義歸於德邵
文輝三象諧同六律邁殷湯之晨露掩虞舜之薰風皇太
子以聰哲之姿篆隸之妙繚鳳之勢鍾王莫儔臣備守外
藩獲承殊獎荷此非常之賜實惟希代之寶窺觀則河漢
無極負戴則山岳為輕沉於六指懸何階上谷不勝欣感之
誠謹默應制詩一首章句... 蕪義理鄙淺君唱臣和歎
論之時濫吹徒歌輒効鈞... 六之未厘清... 旒宸伏深戰懼
無任祗惕之至

為李大夫謝御製詩表

常袞

臣某言伏奉恩旨賜臣詩一篇并酒脯文迴睿思忽懸日
月之光膳目御厨更覩雲天之樂感恩抃躍受賜兢惶施
已重於丘山功未申於毫髮負則過望臣何以堪無任感
戴悅豫之至謹表陳謝以聞 臣某誠歡誠喜頓首頓首謹

言

文苑英華卷第五百九十三

表四十一

謝春冬衣

附 祿 廩

謝賜春衣及牙尺表一首

為武中丞謝春衣表一首

寒食謝新火及春衣表一首

謝勅書賜春衣并尺表一首

謝春衣并端午衣物表一首

謝春衣表二首

謝冬衣表十三首

謝勅書兼賜冬衣表一首

謝加賜防閣品子課及全祿表一首

為第五舅謝加賜防閣品子課及全祿表一首

謝恩賜粟表一首

謝恩放先貸斛斗表一首

蘇州謝賜表一首

謝賜春衣及牙尺表

呂頌

臣某言中使至伏奉某月日勅書及所部將吏僧道百姓等伏蒙聖恩慰勞并賜臣手詔及春衣兩副金縷牙尺一面大將衣若干者天睠遐臨恩波荐及跪承寵賞以懼以慙臣某中謝伏惟陛下德配二儀恩覃九有雖雲雨之施在物無遺而溼澤所加於臣為幸誠以任叨藩鎮才本庸虛威畧不足以暢皇風政術不足以裨朝政顧慙曠職常用疚懷今又特降寵臣俯延殊獎頒以尺度承春令之溥臨賜以衣裳荷天慈之遠履榮均將校慶被蒸黎歡心積於前靈喜氣盈於五嶺臣往塵近掖負敗已彰泊守炎陽禮彌厚實懼無功之賜敢安逾分之榮仰戴鴻私捐軀寧報無任感恩瀝懇之至

為武中丞謝春衣表

劉禹錫

臣某言中使某奉宣聖旨賜臣春衣一副王人臨第御府降衣忤舞失容捧戴無措臣某中謝伏以律當春暮慶洽時邕萬物被薰風之和九天垂湛露之澤臣受任非次速尤是虞方懷匪服之憂更荷解衣之賜恩加畫飾拖朱紫而集作為榮受非以庸領形影而知集作愧丹誠徒罄玄造難酬無任踴躍感恩之至

寒食謝新火及春衣表

武元衡

臣某言中使至奉宣遺止賜臣新火及春衣等榮煌自天
織麗同降束帶欽差盡飾之道已加捧炬迴光照臨之榮
荐及臣某中謝臣以薄才濫居臺憲曠官尸祿驟涉歲年
陛下未責前過尚容舊職忝陪班列兢惕每多載冒簪纓
慙惶益甚今時惟清明律中姑洗當改燧火既荷惟新之
恩未去緼袍更沐衣輕之賜猥霑鄙陋曲被幽微臣雖
愚豈不知愧伏以先皇之德未報陛下之澤又深揣分循
涯過叨獎遇將仰申裨補俯効涓埃惟當以火燭心焚灼
不忘於盡瘁以衣勵已曳屣常誓於糜軀嫉惡觸邪進賢
惟善有死莫貳知無不為伏冀聖慈鑒臣丹慊一作無任
踴躍屏營之至

謝勅書賜春衣并尺表

令孤楚

臣某言去二月日中使某至伏奉勅書手詔并賜臣春衣
一副牙尺一條宸翰威蕤寵錫稠疊捧受榮忭如將不勝
臣聞衣裳在笥與必有道刀尺為器用惟其人臣魯國小
儒漢庭下士因緣濡澤汗染官牒顏嘗忍愧心不容憂陛
下仁發於中惠周於外矜臣以濕暑之患賜之葛衣念臣
無付度之能降其實尺輕新有楚廣狹不踰被服而炎蒸
坐銷秉持而長短立辨揆才量力將何補於分寸運肘延
頸實有塵於領袖當期畢命無以酬恩臣無任

謝春衣并端午衣物表

前人

臣某言今日日中使周某至奉宣遺止賜臣春衣一副并

謝賜冬衣表

陳子昂

臣某言中使某至伏奉某月日勅書慰問將士官吏僧道
耆老等并賜臣手詔及冬衣兩副大將等衣一十五副者
天慈遠致聖澤傍流海隅臣庶忭舞相慶臣某中伏惟陛下
下道弘文武任切藩維遠念戎旅之勤亟頒時節之賜臣
以謬膺寄理載涉炎涼効績無聞徒負歲時一作負恩私
每降慙懼不寧今又俯浹宸慈曲延寵賚當戒寒之初候
冰挾纒之殊榮佳氣集於城池喜容生於草木三軍叶慶
萬井相歡况臣荷寵逾涯忝恩滋甚營燭無裨於景曜賦
澹徒願於朝宗竦踴遐方感戀俱切無任感恩荷懼屏
之至

同前二首

呂頌

臣某言中使至伏奉勅書手詔并賜臣冬衣一副大將衣
兩副九霄垂露忽降天文萬里飛輶更頒盛服臣某中謝臣
凡庸淺劣才不逮人謬荷國恩猥居方鎮自宣風撫俗循
未周星朝章已布於蠻夷聖澤載覃於遠道將士等干戈
久戢歲月空深曾無橫草之功累受賜衣之慶伏以陽和
生植不隔薰蕕日月照臨寧分遠邇喜溢要荒之外榮均
將校之中蚊蚋力微丘山難荷無任感戴兢惶屏營之至

二

臣某言中使至伏奉某月日勅書慰問將士官吏僧道并
賜臣手詔及冬衣兩副大將衣五十副者清禁絲綸特臨

遠鎮中天雨露忽灑炎州威赫殊私林羅無擬臣某中臣
頃踐臺司已招負敗洎分戎闕又寡威謀陛下駐纜闕遺
含弘尸素恩深全宥德邁生成地偏而頒賜每臨節換而
授衣先及王人宣勞降自烟霄宸翰昭融如瞻日月綢繆
睿睠咫尺天顏三軍激踴躍之誠五嶺溢謳歌之響皇慈
溥洽顧品物而均榮寵渥謬加在微臣而增懼非勤勞以
受賜徒跼踖以祗恩灰壤爲期豈云上報感恩荷懼屏營
之至

同前三首

皇甫冉

臣某言中使某至伏奉勅書手詔賜臣及兵馬使都虞侯
冬衣各一副拜受綸言跪承珍服荷同山岳懼比冰
■某中謝臣功微草芥寄重藩條每懷尸祿之羞實負
之耻豈謂天文廻照不隔於遐方御府頒衣更蒙於陋質
傍沾偏將曲被殊私挾纊既及于三軍酬恩將期於萬死
無任云

二

臣某言伏奉聖恩賜臣冬衣四襲跪捧驚喜抃躍交馳臣
某中謝臣功効微薄任遇寵榮使降專人衣裁御府寵光既
極恩已及於解衣雨露既濡德又承於挾纊實亦發輝陋
質煥赫私門未知此生何以仰報謹當訓勵師旅式遏邊
睡用宣力於百身酬萬一願無任

三

臣某言某月日中使某至伏奉勅書手詔並賜臣冬衣一襲者清風早至白露初凝方思挾纊之温忽報頒裘之禮跪拜受服形鬼惕然臣某謝臣學非博古才不動衆幸逢開泰列在方隅天高地厚未知所答而時雨露洗太陽昭燭王人捧詔每降於上天御府賜衣不遺於下土既其輕暖加之麗密束帶而立周旋有光驚寒沍之難侵賀威靈之曲被無任感恩

同前

權德輿

臣某言九月二十日中夜孟國璠至伏奉某月十七日書手詔慰諭臣及將佐僧道百姓等并賜臣冬衣兩副將冬衣共四副者詔旨由臨慶賜旁集凡在裨校一其惟臣某誠歡誠喜頓首頓首臣自違奉闕庭保釐河洛戎師式遏之任非封部底貢之勤坐叨名器所謂尸素月日云邁寒暑迭來再及授衣之辰每蒙挾纊之澤被服輕煖章施賤陋彼已不稱於臣則多雖竭捐軀之誠豈迓濡翼之刺撫躬愧畏上答何階無任慙懼感戴之至謹奉表陳謝以聞臣某誠惶誠恐頓首頓首謹言

此篇誤編在六百三十三卷狀門今移入于此

同前

令狐楚

臣某言某月日中使至伏奉勅書手詔等捧戴拜賜榮感兢惕軍威歡抃海曲光輝臣某謝伏惟尊號皇帝陛下至仁育物玄德絃乾恩被生靈惠周遐邇通臣猥蒙寄任謬領

方隅寒暑驟移度績罔紀王忽降慈旨曲臨涉遐遠之
道途敷殊常之渥澤詔書既啓仰觀垂露之華珍服俯臨
實懼維鵜之刺慶同戎府柔及閨門况節戒玄冬戀深丹
闕授衣感自天之錫盡力登粉骨之誠屬垂溥天和布代
化萬方昭泰四海無虞空知報効之勞願同犬馬未展消
埃之績何咎丘山寢興靡遑慙懼交集無任受恩悃懇之
至

司前

劉禹錫

臣某言德音爰錫降自煙霄黔黎沐賜共承睿渥臣某謝中
伏惟皇帝陛下誕敷文教丕變時雍遐邇克清翔泳咸若
臣繆膺寵任每愧素食荷海岳之私無毫釐之績式用衣
衾任笥之戒惟媿輕暖披身載詠維鵜在梁之詩罔死
節之所誓當訓勵士伍寧輯閭里盡瘁竭心以酬天造臣
與大將等無任感戴屏營之至

同前

臣某言恭承御封捧授恩錫喜懼交集精爽若飛臣某謝中
臣夙荷寵榮累伏旌鉞西戎未殄無式遏之勞東郡已安
有息偃之逸高秋空度未夕知慙陛下亭育深慈生成大
德三軍挾纊俯聽綸言九月授衣載馳天使臣被服既畢
感戴難勝誓當罄節苦心死生立効敢以微軀陋質麗靡
自安臣所守有限不獲奔走丹墀犬馬微誠伏增竊戀臣
無任云

同前 為杜相公

前人

臣某言中使王國清至伏奉聖旨慰勞臣及將佐官吏僧道耆壽百姓等并賜臣墨詔及冬衣兩副大將衣四副者大明昭回遠燭下土殊錫稠疊延及偏裨慶忭失圖捧戴相賀臣某 中謝臣謬承委寄獲守藩條灰琯屢移塵露無補陛下至仁天覆玄化風薰頒以兼衣賁茲瑣質降自天府光于轅門緘滕既開覩綵章之盛飾蹈舞而服發溫燠於和寒愧鹿補裘之名更荷解衣之賜恩波下浹將校同霑共戴殊榮咸思竭節生成是荷雨露難酬臣無任 云

同前

符載

臣某言中使某至伏奉詔旨并賜臣及將士冬衣等來自九天頒于下土手捧目視霞開雪凝是何眇爾之賤質此爛然之盛服臣某 中謝臣久在藩條無裨政術每懼素餐之責以成負乘之羞陛下含貸優容天覆地載伏念微臣之羸老且憂料校之寒沍賜之以衣服寵之以光榮俱無汗馬之勞已有維鵜之刺雖君父德大不求於所酬而臣子感深自期于必死無任感恩懇激之至謹奉表以聞

謝勅書兼賜冬衣表

獨孤及

臣某言伏奉某月日勅書慰問將士等跪承寵錫仰荷天慈忭躍周章不知所措臣某 中謝陛下體仁恤遠崇德念功恩浹勳賢禮優方國臣行能無取志畧非長徒以嘗謬台司遂叨藩守誠寬覆餗之罪更切致寇之憂豈謂宸睠不

遺天波荐及獎飾加於尸素恩竟逮於庸微嶺嶂萬里迴
日月之私照偏裨一介沐乾坤之厚施緇黃載躍班白相
歡騰喜氣於城壘舞祥風於旌旆臣曠官已久無補休明
戀闕慈深又移寒燠累忝逾涯之賜敢安非據之榮立山
至重灰壤寧報無任感恩戀主屏營之至

謝加賜防閣品子課及全祿表 李嶠

臣某言伏奉恩旨加賜臣防閣品子課及全祿並以特進
全給身若在京仍朝朔望者臣自叨榮職無補分毫抱疾
沉疴有踰年歲蒙賜臣骸骨得守立園方從麋鹿之遊分
隔鶴鴻之侶不謂皇私廣被天造曲成迴日月之光更臨
幽則降雲霄之澤府閭周枯歲時頒廩藏之諸朔望接
紉之禮無績無効虛忝於恩榮非才非賢謬霑於祿秩
慈出於分外寵溼生於望表丘山厚澤猥及下流草木輕
生何階上答臣苦腰脚軟弱不獲躬詣闕庭拜謝無任慙
悚喜荷之至謹因留守奏事奉表陳謝以聞

爲第五舅謝加賜臣防閣品子課及全祿表

臣某言伏奉恩旨加賜臣防閣品子課及祿并全給身若
在京仍朝朔望者臣運偶時來又叨匪服鍾鳴漏盡得保
懸車逢舜歷之崑熙遂堯人之耕鑿乾坤含養之德尚貸
光陰雨露霑霈之恩不遺枯朽特降綸旨優加祿秩更沐
天慈許朝朔望大賜造於平分之一外收無能於委棄之餘
荷澤蒙榮空深於忝躐殘生餘喘豈期於答効無任慙悚

喜荷之至謹附中使某官某奉表陳謝以聞

謝恩賜粟表

劉禹錫

臣某言伏奉今月一日制書以臣當州連年歉旱特放開
成元年夏青苗錢并賜斛斛六萬碩仰長吏逐急濟用不
得非時量有抽歛集有百姓者恩降九天澤周萬姓優詔
纔下羣情頓安某誠歡誠喜頓首頓首伏以災沴流行陰
陽常數物力既竭人心匪遑輒敢奏聞本求賑貸皇恩廣
被玄造曲成既免在田之征仍頒發廩之賜臣謹宣赦文
節目彰示兆人鼓舞歡謠自中徂外臣初到所部便遇儉
時今蒙聖慈特有賑恤主恩及物已為壽域之人眾意感
天必有豐年之應臣恪居官業不獲拜舞闕庭臣無任

謝恩放先貸斛斗表

前人

臣某言臣奉五月二十九日勅牒據度支所奏諸道節度
觀察使及州府借便省司錢物斛斗等數內當州欠三萬
六千二十三貫石並放免者殊私忽降逋債條除藩集作
方永安遐邇咸悅臣某誠歡誠喜頓首頓首伏以關輔之
間頻年歉旱田租既須於放公用交不支持承前長吏例
有借便以救一時之急皆成積欠之名既未支填常懷憂
懼聖恩周洽洞見物情爰命有司使之條奏去其舊弊眾
已獲安嚴立新規人知所措臣恪居官次不獲拜舞闕庭
臣無任忭躍屏營之至

蘇州謝賑賜表

前人

臣某言伏奉去年二月十五日勅蘇州宜集作賜米一十
二萬碩委刺史據戶均給者恩降九天澤流萬姓伏以臣
當州去年災沴尤甚水潦雖退流庸尚多臣前月到任奉
宣聖旨闔境老幼無不涕零詢訪里閭備知凋瘵方具事
實便欲奏論聖慈憂人照燭幽遠特有賑卹救其災荒蒼
生荷再造之恩儉歲同有年之慶臣忝為長吏倍萬恒情
謹奉表謝以聞臣等云

文苑英華卷第五百九十三

文苑英華卷第五百九十四

表四十二

謝茶藥

果于絲帛附

代武中丞謝新茶表三首

謝賜新火及新茶表一首

為田神王謝茶表一首

謝衣藥表一首

謝賜廣利方表一首

謝賜藥方表一首

謝賜衣甲及藥物等表一首

為宰相謝賜果實等表一首

代武中丞謝賜棋檮表二首

為武中丞謝賜櫻桃表一首

謝進橙子賜茶一首

為御史大夫裴德謝賜雜絲表一首

為定王謝賜錦衣表一首

謝勅書及綵綾表二首

為封大夫謝勅賜衣及綵綾表一首

謝內賜宴錦絲器物等表一首

謝賜銀器及疋帛等表一首

謝恩賜錦絲綾銀器等表一首

代武中丞謝新茶表二首

劉禹錫

臣某言中使某奉宣聖旨賜臣新茶一斤猥沐深恩并

錫承旨慶休省躬慙惶臣某中謝小人以貢自外方

殊眾品効參藥石芳越椒蘭出有仙厨俯頒私室

推食空荷於曲成責在素餐實慙於虛受臣無任

二

臣某言中使竇國晏奉宣聖旨賜臣新茶一斤猥降王人

光臨私室恭承慶賜跪啓緘封臣某中謝伏以方隅入貢

採擷至珍自遠貢來以新為貴捧而觀妙飲以滌煩顧蘭

露而慙芳豈柘漿而齊味既榮凡口倍切丹心臣無任

同前

柳宗元

臣某言中使竇某至奉宣聖旨賜臣新茶一斤者天睠忽

臨時珍俯一作驟及捧戴忙驚以兢集作喜以惶臣某中謝臣

以無能惟本一作庸臣惟本一作庸諺謂邦憲大明首出一作臨得親仰於

雲霄溼澤遂一作行忽一作先霑於草木况茲靈味一作

成自遐一作方照臨而甲拆惟新煦嫗而芬芳可襲調六

氣而成美扶萬壽以効珍豈臣集作賤微膺此殊錫啣恩

敢同於嘗酒滌慮方切於飲冰十四字一作感恩撫事循

涯墮越無地臣不任感戴欣忭之至

此篇本卷重出今已削去注異同為一作

謝賜新火及新茶表

武元衡

臣某言中使至奉宣聖旨賜臣新茶二斤者慈澤曲臨恩

波下浹光燭閭里榮加賤微驚歡失圖荷戴無力臣某申

謝謝庸瑣無堪謬參風憲曠官尸祿已涉歲年竊位妨賢

心知不可陛下弘上天之私覆迴白日之餘光錫賚

布芳新於令節鑽燧改火燭幽昧於蓬門既荷惟新之恩

更沐時珍之賜將何以仰申裨補俯効消埃惟當焚灼丹

誠激勵愚魯况先朝之恩未報陛下之澤又深省分循涯

伏增墮越無任感戴屏營之至

為田神王謝茶表

韓翃

臣某言中使至伏奉手詔兼賜臣茶一千五百串令臣分

給將士以下聖慈曲被戴荷無階臣某中謝臣智謝理戎

功慙盪寇前恩未報厚賜仍加念以炎蒸恤其暴露榮分

紫笋龍降朱宮味足蠲邪助其正直香堪愈病沃以勤勞

飲德相歡撫心是荷前朝饗士徃典犒軍皆是循常非聞

特達顧惟荷幸忽被殊私吳主禮賢方聞置茗晉臣愛客

纔有分茶豈如澤被三軍仁加十乘以欣以忭感戴無階
臣無任云云

謝衣藥表

張說

臣某言伏奉某月日恩勅賜臣衣及藥渥流璿極綵溢旌
門拜奉忭集作戴舞感戴忻越集作載臣受律虧方扞城無
寄偏師不振逋寇仍滋進慙計日之功退積踰時之咎誠
合歸罪司寇以壓深責豈圖天寵猥臨宸慈寬假當從褫
服英華敗作非轉承且吉之衣宜肆典刑翻加有喜之藥毀車
夷馬復振鑿和窮灰枯莩集作莖非重殷集作敷榮燄踣影邊塞
馳心闕城微命易歿集作投生成難謝無任感戴之至

謝賜藥表

臣某言去年某月日於右銀臺門蒙天恩引對特承
攝理無方以致熱疾緣在假內不敢奏聞聖慈憂軫詔使
臨門伏枕在床雖體氣未適趣風拜命覺腠理遂平恩榮
豈止於丘山朽質未延於龜鶴無任感戴之至謹奉表陳
謝以聞

謝賜廣利方表

劉禹錫

臣某言中使至伏奉某月日勅書手詔賜臣元集要廣利
方五卷者將吏森列黎元寂聽絲言溥及感荷德音緗秩
頒開皆覩聖作臣某中謝伏惟皇帝陛下玄風御宇教以
五常赤子愛人念其六疾遂長驅和扁高視農軒刪彼繁
蕪撫其簡驗莫匪十全之妙不勞三代之醫况慮軫服乘

療羣牛馬圓首方足畢荷亭育之恩含齒帶脣盡歸仁壽
之域臣奉明詔併工繕錄俾封疆之內日月俱懸雖聾瞽
而必知在幽偏而亦達臣所守有限不獲走奔闕下蹈舞
彤庭無任踴躍屏營之至

謝賜藥方表

符載

臣某言中使朱萬春至伏知聖旨念臣風疾賜臣手詔并
賜御札藥方四道天使忽臨宸翰猶濕跪捧驚越不知所
從臣某中謝前月九日臣飲食失宜誤為熱風所中初甚
沉頓肢體不安今漸調護稍用衰退伏以微臣之疾貽陛下
下之憂降駟騎於雲霄出神方於禁掖循端究末味密思
精補神農之闕遺篋桐君之漏畧乾坤恩重屢感深
和已知平逾此所謂半枯之樹遇陰陽而扶疎既
之魚值洪波而奮迅仰天怵躍跣地兢惶惟兩曜以鑒誠
何百年之可報不勝感戴懇迫之至

謝賜衣甲及藥物等表

令狐楚

臣某言中使某至伏奉勅書手詔兼賜臣衣甲器械刀斧
銀器及藥物等并賜臣下軍將者賜因寄重報覺身輕蹈
舞若驚載忻載躍臣某中謝臣力慙致一作果迹忝理戎
六月之師纔申國討九天之詔先布皇慈將以忠勤恤其
暴露側身拜命覩物知恩念臣或抱羸疴是加藥物矜臣
必摧亮醜載錫戎裝弓倍六鈎刀逾百鍊衣分玄甲戰則
保全器有白金食唯豪貴寵連諸將榮冠一時漢主賜人

空聞寶劍朱朝頒藥但理金瘡豈如兼備五兵盡蠲萬病
榮茲陋質感戴奚殫無任感恩捐軀之至

為宰相謝賜果實等表

孫逖

臣等今日頓承賜賚累降珍鮮飽德空深荷恩無力伏以
甘果之實今則非時寧唯自遠而來固亦以少為貴當供
御膳以備天厨何幸小人之腹忽辱非常之賜未施塵露
空忝稻粱悚戴慙惶罔知攸措謹奉表陳謝以聞

代武中丞謝新橘表

劉禹錫

臣某言中使某至奉宣聖旨賜臣新橘若干顆特降恩光
猥頒慶賜珍踰百果榮比兼金臣某中謝臣伏以丹實物
成苞貢爰至芬馨味重方列於御筵雨露恩深忽霑於
無任感戴之至

代武中丞謝新柑表

前人

臣某言中使某至奉宣聖旨賜臣新柑若干顆猥
殊私再頒名果自遠稱貴以新為榮臣某中謝伏以果實
既成南方有貴瓊茅合貢中禁為珍集無此四字方外貢來人

間未觀黃苞輝穎雌俎增華芬芳初佐於天庖慶賜忽霑
於集作遂凡口甘踰萍實剖食既同於楚謠寒比柘漿析
醒何慙於漢史恩光斯重尸素彌彰誓當捐軀以申上荅

四句集作感恩臣無任感戴之至

為武中丞謝賜櫻桃表

柳宗元

臣某言中使某至奉宣聖旨賜臣櫻桃若干顆者天聰特
深時珍落降寵驚里巷恩溢圓方臣某誠喜誠懼頓首頓
首伏以含桃之羞時令攸貴况今採因御苑分自天厨使
發九霄集繁星而積耀味調六氣承湛露而不晞盈壻而
外被恩光適口而中含淫澤顧慙素食彌切自公豈徒君
子所先遂厭小人之腹無任感恩喜荷集作懼之至

謝進橙子賜茶表

常袞

臣某言中使某至奉宣恩旨以臣所進太清宮聖祖殿前
橙子賜茶百串榮賚非次承命兢惶伏以陛下尊玄元於
上宮本枝既盛降馨香於嘉木果實自珍常令護頌之司
及時採綴以進臣謬當率職正在戎期豈望皇澤之出
寵及下臣之私獻貪天是懼踏地戴惶無任

爲御史大夫婁師德謝賜雜綵表

李嶠

臣某言顯福門宣勅出綵八十段賜臣充軍裝臣才質駑
下智能短乏謀非上畧識豈中權謬奉殊私猥參大任雖
鑿門之志必掃妖凶而受鉞之功未宣戎幕遽延寵命先
承優賞懷恩揆拙既懼且慙唯當誓骨銘心未緘天地之
施觸鋒突刃常爲士卒之先度邀犬馬之勲遂滅鯨鯢之
黨七擒三捷誠所度幾九死一生豈當還顧無任悚戴歡
忻之至謹奉表陳謝以聞

爲定王謝賜錦表

前人

臣攸暨言伏奉恩旨以臣昨扈遊上苑執轡還宮特賜臣

瑞錦一疋臣某中謝承輝日月漸潤雲霄叨符聖慈累延
 宸照遂得入陪金殿出捧玉輿瑤水參八駿之遊瓊臺翊
 三龍之舉榮兼侍從寵冠宗枝捧日無以儷其歡登天未
 足儔其樂昔蟻封啓繇不廻參乘之恩駟馬從良寧承附
 輿之澤在臣叨忝實邁古今徒欣不世之榮豈望非常之
 賜况臣地兼臣子職奉君親暫尋咫尺之途纔捧神仙之
 馭有何殊効合降隆私陛下恩愛曲成綢繆累洽俯廻珍
 異復及庸微跪開緘題伏視文彩爛若朝霞之初起曄如
 春花之競發成都濯具本自非儔朝鮮製衣制如難擬方
 且裁而學政希勉勵於天工服以晝遊庶光榮於戚里勤
 微施廣徒益慙惶恩重命輕罔知醉谷無任悚風之至
 謹閣奉表陳謝以聞

謝勅書及綵綾表二首

李邕

臣邕言內使左立真至伏奉去年五月二十日御禮慰問
 并賜綵綾章服跪捧天書勢在龍武仰瞻禮物色映虹霓
 慙戴汗流戰懼心慄臣某中謝臣聞食曰人天實生生之
 厚道稱物母得存存之多伏惟陛下載以坤輿覆以乾宇
 排衆口之謗開獨見之明生臣存臣至於數四寵及問及
 彌於再三豈魯陽宵人景日廻照荆樹散木慶雲結陰臣
 是以坐有所思行冀所得求西山之藥願補聖躬論東方
 之人以分帝念識愈不足以廣聽事蹟不足以動忠夫何
 望焉非所隱也臣請塵壤見納推言不遺獎以及誠許以

隄士澤深巨海德重崇丘曷云家奉賜書光華九族物延
世唐諱舊褒寵百齡涿水之龜且能廻首黃華之鳥將以
誓心惟報主之末由恐殺身之無益不任戴荷欣躍之極
謹因內使左立真附表云

二

臣某言伏奉去年月日御札特賜臣章服綵綾等八體神
變廻龍鳳之殊姿五色暈開動雲霞之仙氣臣誠歡誠喜
頓首頓首臣聞礎之潤也是足興雲戈之鋒也或能照水
雖言微物有以上通常未察焉今可明矣伏惟陛下下一武
一文廓彌綸之道乃神乃聖䟽造化之元盛業極天鴻休
結古子育庶物臣伏百蠻冥勅不波沙朔無障太平之律
大聖之功不得已而用之猶且增高彌短廣大衆流錄賢
傾守內之心捨過求天下之俊所以喁喁者將百身以効
節區區者願一報以瀝肝况臣拔自九原出於萬死再收
骸骨更造衣冠舌在不足以歌堯命存未能以報國豈謂
上仁德廣澤利無益之臣博愛理深慈育不才之子天門
下詔橫筆陣於長山御府賜衣列錦川於淄水臣道于道
何顏受之今恩昔恩曷云報者戴天知重望日懷慙無任
悚惕震惶感戴忭躍之極謹昧死迺表陳謝以聞
為封大夫謝勅賜衣及綾綵表 張渭

臣某言中使某至奉宣勅旨賜臣衣若干事目覩絲綸手
披篋笥新衣二稱虹電間出綵綾五色鸞鶴互飛臣受鉞

西門建旗北府地僻萬里天遠九重豈意仁出於聖心賜
出於御府白日亭午忽蒙慶雲之惠清秋屆節偏承玉露
之恩負丘山而忘疲瞻闕庭而莫見臣無任

謝內宴賜錦綵器物等表

常衮

臣某言伏奉恩旨賜臣內宴仍賜錦綵綾絹四百匹瓶盤
五事衣一副并柑橘等殊常之寵上戴若驚伏惟寶應元
聖文武皇帝陛下恭儉以行禮慈惠以布政式厚君臣之
義爰崇饗宴之道至如醴以命宥幣以將意非有方叔之
勲魯侯之親則不可以禮奉和之樂溥將之也臣以至愚
承弼無益尸官夙夜自惟兢惶失次尚蒙慈恕猶辱樞衡
藉沐鴻私歡承嘉惠接雲霄之上竟啓動戒於內朝宸
帷臨以戰以悚中食循省實慙孤賤微生遭逢一至於此
慶眷流渥慈賞過豐廣乾坤而行慶俾下臣之受福束帛
加璧申錫在於王庭珍噐黃拱浹洽至於歸第拜恩初喜
審分增憂臣實非才事無任効待罪已久冒榮則多况戎
患未寧寅車尚駕聖懷所軫日旰忘勞躬行儉素以濟軍
國臣之俸祿猶合助邊臣之服用敢安私室今又俯霑慶
賞將此勞臣雖宏覆曲全務於均施而丹誠上感實愧無
功不勝荷懼屏營之至

謝賜銀噐及疋帛等表

此篇是辭賜表非謝表

于邵

臣某言今日日中使奉宣進上賜臣銀噐壹瓶合各一銀
椀一并蓋錦帳一錦九疋白熟綾十疋色羅五十疋雜綵

一百三十疋者恩私荐及跪捧增慙雖雨露殊深而心魂
 若厲何則臣之受遇有異朝班任重元戎榮登上相自當
 盡瘁與國同憂豈比常人妄加厚賜况戎夷初退帑藏猶
 虛每欲傾家以供國用區區之願神明所知乞回此物復
 歸內府下以備六軍之寵賜上以奉一人之宴私臣之
 懷於斯萬足其器物等臣已勒押衙試少監郭某詣右
 臺門別狀奉進

云云

謝賜錦綵綾銀器等表

高郢

臣某言伏奉恩詔以告祔禮畢賜臣錦綵一百五十疋銀
 椀一無庸受恩不知所措臣某中謝伏以禘祫元祀從祔
 大經酌禮求中聖情合於天地奉先致孝精意刑於四海
 臣職叨禮闈一作獲奉皇猷欣盛典於無窮顧微生而何
 補謬霑慶賜竊自慙惶無任

文苑英華卷第五百九十五

表四十五

節朔謝物

宴賜附

謝端午賜物表一首

謝端午賜衣表一首

為田神玉謝端午物表一首

謝端午賜衣及器物等表六首

謝社日賜羊酒等表一首

謝冬至賜羊酒等表二首

謝賜遊曲江宴表一首

謝京城東亭子宴送表一首

三月三日為百官謝賜宴表一首

謝觀內宴表一首

爲宰相謝賜永穆公主池亭宴表一首

謝賜宴表一首 爲揚中丞謝設表一首

代百僚謝許遊宴表一首

爲宰相謝內宴表一首

爲兩省官謝內宴表一首

謝端午賜物表

李嶠

臣某言中使某至伏奉手詔慰諭并宣口勅賜臣端午衣一副及銀碗百索等兼賜大將衣若干副者天書綢繆聖澤汪濊被服輝煥承恩隕越臣某中謝臣聞日移東井律應南風正陽爲納慶之辰長羸表文運之節臣謬膺任使備位守臣無封而多愧無能望闕而遙思獻壽而陛下恩厚率土寵並勳賢俯因初五之辰遠頒尺一之詔衣冠靡之盛噐飾雕刻之珍則辟邪寧假於赤符蠲癘詎勞於采索况賜霑裨將化洽方隅仰荷殊私實慚非擬誓將誕敷渥澤保定藩維變淳風於邑里宣戎政於軍旅俾谿洞安聳波濤不驚伏惟皇明俯照丹慊臣無任

謝端午賜衣表

臣某言中使某至伏奉手詔慰諭并奉宣聖旨賜臣端午衣一副銀碗百索等大將衣兩副者王人遠臨天賚下逮承恩捧詔悸心汗流臣伏以正陽屆節初五授時萬國獻珍以稱壽九天垂衣而納慶至如靡麗出於王府頒賜及於方隅蓋所以褒寵有功旌異有德顧臣庸劣未補涓毫

文苑英華 卷一百一十五
二
沐日月之齊明與勲賢而並命猥將固陋之質獲茲器用
之深衣降九天懼興刺於鷄翼縷分五色增長壽於堯年
柯角黍之足稱豈織繒之爲比况賚及裨將澤被戎行顧
茲殊賜實愧非據臣一至湖湘再周星歲弱皇風而蘇息
黎庶布聖澤而底定封疆今井賦不憊軍旅知訓度期續
悍之倍獲躋仁壽之域伏惟鴻造俯察丹誠無任

爲田神玉謝端午物表

張說

田神玉大曆中爲節度張說開元十
八年卒此表疑邵說代作英華恐誤

臣某言中使某至賜臣母趙國太夫人手詔并衣一副銀
梳一事百索十軸兼賜臣勅書及手詔并衣一副銀梳一

百索十軸又賜將軍等衣共五副百索共二十軸
臣恭守舊規謬知重務

毫髮寵荷丘山蒲篚詔書偏承睿顧傾家服玩皆自天來
叶彼良時旌其益壽淮南藥梳對此殊輕漢帝露盤方斯
匪重索盈千縷衣倍五時雨露恩深不遺於老母乾坤施
廣遍及於下臣受賜若驚銜恩載躍誓當戮力抵奉威靈
縱有百身何階報効臣無任感恩

謝端午賜衣及器物等表二首 常袞

臣袞言中使羅希政至奉宣恩旨賜臣衣二襲金銀器物
十事百索兩軸扇一柄特降王人俯臨私第捧承殊賚抵
荷失圖臣袞誠惶誠恐頓首頓首伏以聖政惟新方求至
理天心所待豈止常才在臣庸愚何足驅使自受恩宸袞

已積三旬尸素廟堂未有能事固宜歸責誠合避賢聖恩
優容寵渥逾厚今屬三疑陽屆節五日御辰下濟天光曲
流睿澤王人班噐司服降衣飾其盤盃示以金玉王度總
其領會一作繪將何以黼藻朝章佩色絲而表祥捧輕箑而
迎暑寵光逾分憂負難勝出自禁中珍華未覩在於臣下
服用敢安既承飾外之恩彌積善中之懼無任感戴屏營
之至

二

臣某言中使某至奉宣聖旨賜臣衣兩襲金銀噐物十事
扇一柄百索兩軸伏以塵辱台司曠廢事任遭逢若此報
効無聞罪譴未知已荷曲成之施庸愚不逮恐傷則謂
明所以極冒宸嚴懇祈罷黜中慈未允外責彌深徘徊
恩覲愧朝列四時之錫累沐寵松五日之慶又蒙榮賚衣
服噐用特降珍華疵賤凡微曷堪光飾况師旅在外疆界
未寧日費千金篋無半菽今有功之士賞或未周無益之
官一作臣寵之過厚已紆成命不敢上辭惶赦拜恩實慙虛
受無任荷懼之至謹奉謝表以聞

同前

呂頌

臣某言中使至伏奉詔書并賜臣衣一副金花銀碗二枚
百索一軸大將衣兩副大明生東無遠不照時雨潤物有
形必霑臣某中謝伏以朱明屆節端午良辰寶曆叶於重
壽聖壽齊於兩曜臣凡愚賤質草木微軀謬居藩鎮之榮

覆守黔巫之地豈意聖慈天覆不隔遐荒珍物出於九重
禮服延於萬品臣與將校等雖備戎旅素乏勲庸當蠻徼
廓清之時霑普恩頒賚之慶榮分閩外喜溢行間仰戴殊
私用知所報不勝汗躍之至

同前

權德輿

臣某言中使陳忠玠至伏奉

集作准

前月十七日手詔賜臣

端午衣一副銀椀二隻銀鈔羅二

集作鈔羅

百索一軸并大將

衣服等慶賜遠降天顏如臨恩光綢繆器服輝麗成周士
吏居守輿師喜氣歡聲以感以抃臣某誠欣誠荷頓首頓
首伏以斗杓建午之初日朶星火之際陰陽慶接天地氣

炎陛下法象乾坤順行時令賀獻本臣子之志寵賚延

上之恩昇微無庸跼蹐斯甚佩長命之縷俾壽而臧捧

笥之衣旣安且吉然後大敷渥澤盡感鴻私顧已難酬此
生何幸無任荷戴踴躍之至謹附中使陳忠玠奉表陳謝
以聞臣誠歡誠抃頓首頓首謹言

同前二首

劉禹錫

臣某言中使劉元弼至奉宣聖旨慰勞臣及將佐官吏僮

道耆老

集作壽

百姓等兼賜臣墨詔并衣一副金花器三事

絲索

集作絲

一軸大將衣四副絲絲五軸寵光荐至慶賜曲

霑忭舞失容捧戴無力臣其中謝伏以朱明仲月端午佳
辰萬國被薰風之和九天垂湛露之澤臣幸逢休運獲守
外藩叨承睿慈猥霑

集作受

榮賚發詔而煥窺宸翰

集作象振

衣而頓失炎威色絲表祥載光於佩服珍噐充玩盡飾於
圖方恩輝既盈喜懼交集下延禪將共荷鴻私

二

臣某言德音曲被喜溢群情厚賜遐頒榮霑陋質臣某中
謝伏以蕤賓在律端午御辰慶列丹墀守藩莫及恩隨絲
縷捧軸難勝况衣極珍織涼生温暑噐皆照爛光發戶庭
竊慙彼已之詩敢忘蒲盈之誠惟當蒞戎有勇訓俗知方
未懷銘縷之誠冀申赴蹈之節臣與大將無任感戴踴躍
之至

謝社日賜羊酒等表

常衣

臣某言內常侍王子昇至宣奉聖旨以社日賜臣羊酒蒲
腊海味油麵粳米等仍特賜藥飲者喜抃失容競慙無措
臣誠惶誠悚頓首頓首臣叨踐台階已速官謗聖慈矜宥
殊貸曲全猶使省近掖之文重高門之地白骨再起飛冤
復還感恩若驚雖死何答伏以宰輔之任燮和所關自頃
憊陽向逾累月近方降雨今復周旬致令水旱不特陰陽
失序若令歸責臣亦何逃故事昭然所宜黜免且勾龍立
社祀典攸書大稷主農國章斯在以享田租以報秋成今
穎實未登案盛年望是君積憂之日是臣獲戾之時豈望
慶自雲天曲容酒食之宴恩霑此賤下及膏梁之珍醉樂
空比於堯人宰平實慙於漢相無功受賜有覩何逃上戴
寵私益深惶惕無任什躐屏營之至

謝冬至賜羊酒等表

前人

臣某言中使某至奉宣恩旨以至節賜臣米麪羊酒循鹿雜味等伏以非才曠官微臣之愧耻待寬責薄聖造之矜容貸罪則多負恩已甚進思無補退復何顏以周官之職且乖於水旱而漢臣之賜空積於歲特屬北陸涸陰南郊迎日古今良節朝野同休天慈過深榮賚逾厚王人結駟膳宰駢輜特減內庖之珍遍賜遠方之異光華里閭充溢門閭臣本布衣列於賤品千年遇聖忽至層霄萬死酬恩豈裨大化素甘藜糗既飽於梁肉多乏濁醪既醉於醇酎荐沐非常之寵不知所忝之由少長對筵悲歡相慶何功而至此何力以任之捧戴若驚斬皇交集無任

同前

臣某言中使某至奉宣恩命以至節賜臣者聖旨頻降賚過優以周官百品之珍載頒其實雖魏臣五熟之釜豈容其多受賜踰涯拜恩失次臣出自孤微素常貧苦食不蒲腹竊誠脩身且祭不拊豆飯惟脫粟昔贊之美其儉可師敢望豐盈重彰八曠而雨露偏施歲時益榮俾奉先之饗味煎陸海合族之宴肆及膏梁又沐深慈下霑中饋以感以慶啓處難勝無德無功慙惶罔極

云

云

謝賜遊曲江宴表

李邕

臣邕等言臣聞昔時人君之德也大撫萬國必親諸侯是以通下情序賓禮伏惟陛下因遇上已收接下臣順發生

之時弘在鎬之宴仙厨和鼎浹洽於廣筵舜瑟一作歌風均調於曲水士女車騎充溢山川林薄光華纒連城闕臣等撫躬何幸報德無階空慙尸素之名豈適輪轅之用不任戴荷忭躍之至謹請朝堂奉表以聞

謝京城東亭子宴送表

張說

臣某言力士至奉宣勅以臣臨岐特令賜宴恭承惠渥念及庸微天地同仁木石知感不勝惶悚戴荷之極臣某中謝臣歷觀自古君臣凡所際會或因緣黨進或延接功成故未竭而知不言而信豈有地孤援寡毀衆謗深察蒙蔽之中致曠蕩之外逢陛下特達之遇當陛下聖明之朝事出非常澤均恩重今者誓將瀝血未足竭誠徒欲殺身豈能報德至如勵精勤政與直守公酬陛下憂人之心行下弘道之化敢安失墜以負神明但函關路遙長安日遠不任戀主悽愴之至

三月三日為百官謝賜宴表

宋璟

臣某言臣伏以漢崇元巳齊曰上遊咸聞執蘭以盛楔飲洛水之會囂呼不足紀也未和之遊解陋不足追也臣等生逢多幸遇會聖明賜與榮渥逾濫涯分詢於史策超軼古今臣某中謝伏惟皇帝陛下屈已愛人布和施恩慶賞所及萬國歡心財成之道與天悠久爰以令節錫宴公亭萃集作帝文茵俱來天上嘉餉清醕亦自大官欣歡之聲浹於億兆銜感之至形於頌歌而天心霈然宸章煥發曲

蒙賜示捧讀競懼涵泳五音光輝二雅流於簞磬未播無窮豈臣庸愚詎能思度今狂虜衰息年穀屢登俗被湛恩人歸壽域讌遊高會適助時康况上宰家卿脩簪長劍前後羅列小大相從所以序聖朝之多士爲百代之風流臣等叨榮無任懇迫報効何日進退知慚不勝欣抃之至

謝觀內宴表

前人

臣某等言伏以雲韶是稱天樂華夷不覩庶品徒瞻伏惟皇帝陛下慶浹人神惠敷雲雨合飲於八仙伎降於九重遂使六樂增唱萬人駭嘆豈激楚之足匹何鈞天之能擬况復飾無貨寶衣用大帛遠而望之如金翠之旅近而觀之同戈綈而髣其廣大也可以谷應陽和其純儉也所以人知輓物故能作程海內垂裕天長望編史冊永彰明臣等不勝悅豫之至

爲宰相謝賜永穆公主池亭遊宴表 孫逖

臣某言內使趙侃奉宣恩旨賜臣等明日於永穆公主池亭遊宴者謬承天澤頻賜春遊小人之腹每等於珍膳下里之聽屢聞於仙樂殊私荐及榮施難酬雖朝野多歡實樂太平之運而消埃莫効彌慙非擬之恩無任悚灼之至謹奉表陳謝以聞

謝賜宴表

常袞

臣某言臣一昨特荷聖慈曲承寵會今日又奉進旨臣兄太常丞臣某亦霑內宴仍賜錦綵百疋衣一襲并銀器等

非擬之任已忝股肱曲承之恩更及骨肉仰天增愧何地
有安臣某中謝臣聞禮之制也以飲食親宗族詩之義也
以愷樂宴嘉賓以通上下之情以展君臣之義將以裨於
風化故無謬於寵私伏惟陛下稽古以理宗儒之教示其
恭儉之訓溥頒雨露之恩叶時布和式崇饗宴至於需以
酒食昭其慈惠必先宗戚次及舊勳臣出於孤賤又乏功
勞無所克堪豈宜蔭列臣兄何幸又沐殊榮寵極膳羞之
珍禮優筐篚之至合生成於同氣聚慶於私庭昔人獨
咏於鹿鳴在臣兼輝於鴈序手足無措拙分空慙形影相
顧捐軀何答臣無任

爲楊中丞

集作

謝設表

鄭宗元

臣某言中使某乙至奉宣聖旨賜臣長樂_軒設者恩榮特
殊宴飲斯及顧茲厚禮猥集微躬臣某誠懼誠慶頓首頓
首臣以多幸屬此昌時任重方隅職叅文武耳受素餐之
刺知無肉食之謀以憂以懼寢寐無措豈謂鴻私繼至豐
膳爰來陸海兼陳酒_餚集作醴皆設庶當奉揚聖澤單布遠
人流愷樂於皇風均乳哺於赤子少陳微効上答殊私無
任感恩抃_欣集作躍之至

代百僚謝許遊宴表

呂溫

臣某等言今月二十三日宰臣奉宣進旨_止集作如聞百寮
士庶等親友追遊公私宴集及晝日出城餞送每慮奏報
自今已後各暢所懷者志存必信義切同休令行如春神

應若響寒木暉潤嚴風變和推已感於人心發生先於天
意臣其中謝臣聞與人同其樂者不必盡致於韶夏之庭
在夫不奪其歡而已與物致於其集作誠者不必日効於冊

青之信在夫不察其細而已况乎縉紳之樂名教聚皆以
類臣子之事君父遊必有方豈足輕聳物情逐塵天聽伏
惟皇帝陛下光纂十聖威臨萬方集作神武功就人文化

成窮溟無波豐歲將宴集作樂奏穆清感深乎共樂之道
駕言遊幸思所以適人之方爰詔輔臣式將明命優諭卿
士達於庶人琴筑追遊無憚京輦集作輜軒迭遠勿限嚴

城禁吏司之苛察盡朝野之歡泰始覺飛沉之樂宇宙之
寬物不自疑人知所措集作在宗載考夜飲承湛露之
集作友相鳴時宴奉祥集作雲之慶浹休聲於夷夏蒸

於山川千載之昌運允符百王之遺美斯舉臣等謬膺寄
任親奉休明方感生成之德更蒙優貸之詔恭承睿旨務
竭歡心飽思屬厭醉念温克戒竹林之虛誕去金谷之浮
華君雖不察於泉魚臣敢有愧於屋漏承歡且懼居寵
驚稽首知慚殺身何報無任感恩競惕之至

為宰相謝內宴表

錢珣

臣某言臣聞古之王道美在詩人爰徵式宴之名則有康
鳴之什俎豆既列筐篚亦陳群臣享而受之得使盡其心
也能追古道實在哲王臣某中謝伏惟尊號皇帝陛下聖
文有作臨照克明昨者以告見祖宗率兩宮而偕行重典

文苑英華 卷一百一十五
十一
祈禱天地感百神而已報豐年方屬清和更弘慈惠遂當
暇日乃闢廣場既接補臣兼延卿士我心則悅洞開咫尺
之顏不醉無歸畢降獻酬之禮而又深形睿旨新製樂章
但臣等忠則有思拙而無補陛下勉其翼戴播在絃歌竊
聽鏗鏘空知慚感爲恩如此何力可勝徒以宮殿飾同
文符混一舞成竒字更俟太平待季子之請觀笑吳宮之
教戰盡如解愠詎異聞韶况凡有嘉籙親令下筮巨細之
事指顧不違鴻私曲被於茲辰龍遇煩踰於往列仍蒙賜
資且極纖華伏自侍宴已來還家自省燮理欲酬於玄造
終乏嘉謨傳聞空徧於遠方彌光聖德君臣共樂史冊
書臣某等無任銜恩弟感歡榮忝耀之至

爲兩省官謝內宴表

前人

臣某等言臣聞謂傾心於百辟向日雖同觀拱極於衆星
在天各遠所以會朝之地每隔卅墀而燕私之嘉忽親
宸注渥恩而則可求故實以未聞事出常倫感深庶位臣
某等伏以考擊鍾鼓鋪陳几席恭惟列聖常命周行且屬
宴安仍須物用匪勞規畫始就歡娛今陛下以尚念多難
不爲自逸外開貢輸之數內無饒羨之資蓋以臨昧旦而
謁宗祧彝章必具仰昊天而祈稼穡甘澤已頻方當行慶
之時且欲與人同樂昨者昭垂睿睠俯接群僚忘憂而飲
備六清旣飽而羞踰百品戒膳夫之失飪詔酒正以如澠
賜者鮮闕行之皆徧飾喜則聲從禹律製曲則音自堯聰

樂和而鳳鳥應來舞妙而薰風共轉曲形文字全為生靈
承天詔以咸觀兼聞金石泛恩波而已醉不待罇壘栢梁
殿唯召詞臣華林園亦非密座共當異寵難並茲辰光東
帶而更勵立朝顧綵繒而彌慚勝質則微臣非徒享滋味
聽鏗鏘而已霑纓感德稽首拜章臣某等無任荷恩激
榮躍屏營之至謹奉表陳謝以聞

文苑英華卷第五百九十五

節朔謝物二

表四十四

謝臘日賜臘脂口脂表一首

謝賜香藥面脂表一首

謝賜新曆日及口脂面藥等表一首

謝墨詔賜曆日口脂表一首

為郭令公謝臘日賜香藥表一首

為郭令公出上都赴奉天行營勅賜戰錦袍并口脂

等謝表一首

謝勅書賜臘日口脂等表十四首

謝停賜口脂臘表十首

謝賜鍾馗及曆日表三首

謝臘日賜臘脂口脂表

李嶠

臣某等言品官劉阿道至奉墨勅賜臣等臘脂口脂等物
恩命忽臨喜抃交至手舞足蹈心慚意悚伏以安寧戒序
嘉平在節白日臨於陽谷繁霜入於露寒蘅林始悖疑桂
筵豐暇青牛帳裏木輟鑪香朱鳥窓前新調鉛粉因三冬
之吉慶造六宮之脂澤操之以辛夷甲煎燃之以桂火蘭
蘇氣象溢奩香衝翠幄以光金屋之仙鄉以賜瑤房之帝
嬪南國容華之人從來未識西京妖冶之妾何時可見臣
等叨膺天命謬摠留臺雖天動星迴蹇遠於侍從而雲行
雨施更延於恩屋猥承郵驛出賜絲綸分八子之膏疑及
三臣之瑣賤竊窺明鏡已覺衣冠之不任旋顧粧奩疑
簪第之多幸身輕塵露佩德空深貺等丘山殞身何答無
任踴躍屏營之至

謝賜香藥面脂表

張九齡

臣某言某至宜勅旨賜臣衰衣香面脂及小通中散等藥
捧日月之光寒移雪海沐雲雨之澤春入花門雕奩忽開
珠囊暫解蘭薰異氣玉潤凝脂藥自天來不假淮王之術
香宜風度如傳荀令之衣臣才謝中人位參上將疆場効
淺山嶽恩深唯因受遇之多轉覺輕生之速臣無任

謝賜新曆日及口脂面藥等表

邵說英華作張說非

臣某言中使某至伏奉某月日墨詔賜臣新曆日一通并

口脂面藥紅雪紫雪等窮漢之上寵詔忽臨大蜡之辰慶
賜爰及跪承慈渥戰汗失容臣往塵近接實曠天心泊守
遐藩多昧戎畧殊私未答官謗將管陛下聖德包荒宸嚴
曲貸猶存寵任便浹恩波覆燾不遺於遐陬賜賚亟霑於
尸素况口官頒曆承敬授之規綸旨宜慈沐逾涯之獎蘭
膏滋潤絳雪珍芳捧持而炎瘴自消潤飾而衰容坐變丘
山非重草芥至微雖百其身豈酬鴻造無任感恩瞻戀之
至

謝墨詔賜曆日口脂表

前人

臣某言伏奉月日墨詔等恩波遠被寵賜荐臨捧持傾心
獨睹無處臣某中謝臣分毫五嶺翠竊殊榮益頓三年
於今節天心弘覆慈旨優醲頒聖曆以授時降寵恩而撫
裕薰風溥暢陽景照臨輝華遍於草木朴舞盈於路衢蘭
膏絳雪沐雨露之湛恩陋質凡姿荷乾坤之厚施伏以三
元在近國度維新百辟獻芹獨馳心而望闕二毛垂領唯
懇願以朝天犬馬微誠感戀逾切無任感恩戀主屏營之
至

為郭令公謝臘日賜香藥表

前人

臣某言月日中使某至伏奉恩旨勅賜臣臘日香藥金花
銀合子兩枚一作面脂一合裛香二袋澡豆一袋者開奩
氣馥拜蹈增慚臣中謝伏以時當大蜡節號嘉平歡已洽

於人神賜仍周於黻冕沐茲芳澤傳以香蘇付陋體而何
幸顧頽齡而可駐立山施重雨露恩深感戴慙惶不知所
報無任荷恩稠疊之至

為郭令公出上都赴奉天行營勅賜錦戰袍并口

脂等謝表

王諫

臣某言臣今日巳時至臨臯驛西開府魚朝恩見奉宣進
止賜臣錦戰袍等又未時至管城驛縣中使至賜臣瓜西
穎聖慈荐及寵賜頻加榮有同於衣錦恩乃及於挾纊重
裘莫比被練非堅以此臨戎期於盡敵况傳之香澤分以
甘瓜推食揀衣未足為喻誓當畢命少答殊私身膏草野
實申至願無任受恩稠疊之至

謝勅書賜臘日口脂等表

呂頌

臣某言中使某至伏奉勅書手詔并賜臣曆日藥物及銀
合等千年聖曆忽降遐荒萬里天書更臨下土臣某中謝
臣驚駭賤質草木微生謬荷國恩擢居方鎮按俗闕澄清
之任臨戎無毫髮之功累授殊私荐霑芳澤况靈長上藥
列在仙方芬馥蘭膏出於中禁豈臣庸陋宜此寵榮感戴
天恩不勝抃躍

同前

前人

臣某言中使某至奉宣聖旨賜臣臘日香藥口脂等宸私
曲被殊賜荐加祗奉恩榮荷戴惶灼臣中謝陛下德施周
普蜡百神而魚蟲不遺慈澤旁流錫群下而細微皆及謬

良藥之既豈當同體之榮龜首

疑作手

既沐其芳馨香膏

又需於膏吻賁飾之道備幸於臣澤浹肌膚恩深骸骨撫
心揣分慙厚施於天休賤質庸陋荷曲誠於玄造實為僥
倖何以克堪消埃無補於網維濡渥有加於蓬賤丘山惠
重蟻蟻命輕覲厚顏於一作以死生覬忘軀而徇節臣無任

同前

前人

臣某言中使某至伏奉宣賜臣紅雪口脂各一合降自重
霄賚于賤品承旨慶抃省躬慙惶臣某中謝臣謬處準繩
遂更律候每慙効薄常懼食浮豈謂特迓鴻私猥霑殊賜
時當蜡臘澤浹幽微彩雪蠲邪無虞於美疾芳膏盡飾有
愧於陋容徒罄丹誠不知上答無任感戴之至

同前

前人

臣某言中使某至伏奉勅書慰諭并宣進止賜臣紅雪
雪口脂等慶賜以時靈光逮下捧詔心慄承恩汗流中謝
伏以玄律送寒清霜戒臘九天布惠萬類發生臣以庸虛
謬當任使觀風未及披部無能而陛下俯念守臣恩同勳
舊詔垂御札藥稟仙方降蘭澤以傳馨頌玉曆以示慶實
慙固陋忽被光輝撫躬循已終夕愧厲謹當訓整師旅收
養黎甿敷雨露之恩宣日月之照俾瘡痍漸復江湖安流
庶於涓毫上答山岳伏惟皇鑒俯照丹誠無任

同前

常袞

臣某言內侍蒙日新等至奉宣恩命賜臣面脂口脂香藥

文苑英華

卷一百一十五

五

卷三

深豆并銀餅子等伏以受任以來殊私未答每更節候慙
曠歲時屬玄律送寒清霜戒臘陛下爰脩大蜡用告順成
既息田夫復祭先嗇臣以涓埃莫効水炭相仍年穀未登
人財益匱致慈不稔之咎實媿報宸之辰競惶失圖啓處
無地聖慈全宥寵錫過優珍器鮮華蘭膏芳潤以疵賤之
質忽降御香以覲冒之容忽澡天澤省躬無措跪奉何施
粉骨酬恩未伸萬一無任感戴欣懼之至謹奉表陳謝以
聞

同前

臣某言中使某至伏奉某月日勅書并手詔勞勉臣等兼
賜臣衣一副臘日口脂紅雪一合中和尺一貞元
日一通陛下道邁古先德動天地凡於一物必寄聖慈
臣襦暖惇發故衣裳是賜欲臣除去人患故良藥下霜欲
臣永駐衰容故馨香流潤新曆方啓慶昌運之無窮彛尺
辨才審度量之不昧力微賜重捧戴競惶臣無任

同前

臣某言中使郭昕至伏奉手詔并賜臘日口脂紅雪貞元
九年曆日等拜受恆營不知所措臣某中謝伏以玉散降
於仙宮金膏流於秘藏含芳咀味覺六府之和潤骨凝膚
改三年之觀况復惟新聖曆受朔齊人稱慶戴恩倍萬恒
品不勝踴躍之至

同前

臣某言中使吳千金至伏奉十一月九日賜勅書手詔存
問臣及將吏百姓等自天渙汗徧施稚孺普及纖細歡呼
未暇聖念再加老幼捧恩感動肌骨又以臘日將及賜臣
紅雪口脂各一合貞元十五年曆日一通跪啓緘封榮抃
相集伏以方傳上仙樂成中禁却老除患妙絕如神嘗所
聞知豈期親授况階箕候朔畧度不差蒲柳微生又膺天
曆恩波逾重跼踖難勝不任感恩荷聖踴躍之至

同前

李舟

臣某言今日日中使內府丞張某至伏奉勅書賜臣及軍
將臈日面脂香袋紅雪澡豆等殊私忽臨捧戴無力手足
舞心魂若驚臣其中謝伏惟陛下以節遇嘉平律
又布發生之德猥承頒賜之榮膏液廣霑降中天之濕
生香遠及蘊西域之芳馨苦口以愈沉疴澡身以滌塵
垢無任感戴屏營之至

同前

臣某言中使至伏奉勅書手詔賜臣新曆日一本口脂面
脂紅雪紫雪金花各一枝并賜臣春衣一副牙尺一枚大
將衣兩副宸翰忽臨殊賜兼及蠻夷捧詔抃躍輕生將吏
受恩誓心効死臣某中謝伏以令節喜平曲承寵賚凝膏
芳潤獲滋蒲柳之容寶器珍竒遠承日月之照謬當重寄
星歲屢移恩積丘山功無毫髮况玄陰云暮斗柄初廻已
霑芳澤之恩兼降中和之服頒賜尺於王度布新曆於荒

陬躍抃徘徊夏知所報臣無任

同前

韓翃

臣某言中使某至伏奉勅書宣慰臣及將士等并賜臣母中國太夫人口脂一合面脂一合澡豆一貼并賜臣温香一合兼賜將士口脂等聖慈稠疊感戴無階臣其中謝臣絲髮効微乾坤施重因時受賜覩物知恩寵及澡身榮加潤色恭嘗御藥心則和平親受國香人其服媚飾大羊之賤質齊鴛鴦之增慶恩必及於慈親澤兼流於宿將感戴洪恩無任抃躍屏營之至

同前

劉禹錫

臣某言今日中使某官至奉宣詔書賜臣及將士臘月臘香藥紅雪等自天有命踏地無容虛受寵光翻成憂懼臣某中謝臣位居方鎮才實凡庸郡邑臨人未移風於弊俗歲時頒物空竊賜於聖明特降璽書重加靈藥潤之膏液襲以蘭芳期美疾以蠲除冀頽頽而可駐殊私不遺於一物曲澤下及於三軍未報主恩慙於犬馬唯將臣節死於封疆無任

同前

前人

臣某言中使霍子璘至奉宣聖旨存問臣及將士官吏僧道耆壽百姓等兼賜臣墨詔及貞元十七年新曆一軸臘日面脂口脂紅雪紫雪并金花銀合二金稜合二皇明遠燭殊集作恩錫荐臻抃舞失容捧戴無措臣其中謝伏惟皇

帝陛下立極御人順時布政禮崇大蜡澤浹遐藩臣叨榮
日深竊位時久謬迺宸睠猥降王人天書下臨覩三光之
照耀玉曆爰授知四氣之環周雕奩既開珍藥斯見膏凝
雪瑩含液騰芳頓光蒲柳之容永去癘疝之患命輕恩重
上答何階無任屏營之至

同前

令狐楚

臣某言去年十二月中使至奉宣勅書手詔兼賜臣口脂
紅雪各一合十年曆日一通捧緘跪發以喜以駭臣某中
謝臣聞平分四時堯有曆象聚蓄百藥周之憲章至若雲
散擁紅紫之名香膏蘊蘭薰之氣合白金鼎貯於雕奩是
實遠守嶺隅賤同凡器曾無薄技上答殊私陛下重
行德如天覆發於中禁及此下藩諭以綸綽之言頒其慈
閉之節脂膏一潤覺面目之有功藥石載攻知肺腑之去
疾誓當延年聖代戮力清朝戴昊天而不勝瞻魏闕而增
戀臣無任

謝停賜口脂臘脂表

權德輿

臣某言伏奉今月十七日手詔以諸道每年合送口脂

及尺既非厚賜臣思以方鎮勞煩道路為弊一例

停罷貴適便宜臣天澤同集作萬宇伏讀

詔旨仰荷皇明臣師有寧儉之教禮經有必
捨其細存其廣者臣

簡之文陛下誠切云人志不獲口臘香澤豈均雨露之
濡尺寸度數曷比云之六以道途勞費傳置將迎鑒在
事先慮周物表去云就省約已便人合簡易於二儀燭休
明於四裔臣謬居分正獲奉德音集作音拊賀之誠倍萬恒
品無任感戴悅懌之至謹奉表陳謝以聞臣某誠懼誠喜
頓首頓首謹言

謝賜鍾馗及曆日表

張說

臣某言中使至奉宣聖旨賜畫鍾馗一及新曆日一軸者
猥降王人俯臨私室榮鍾睿澤寵被恩輝臣某中謝伏以
星紀廻天陽和應律萬國仰惟新之慶九霄垂湛露之恩
爰及下臣亦承殊賜屏祛群厲續神象以無邪允慶人
曆日而敬授臣性惟愚懦才與職乖特蒙聖慈委以信
既負叨榮之責亦懷非據之憂積愧心顏難勝惕厲豈
謂光廻蓬華念等勲賢慶賜之榮賤微常及感深犬馬戴
重丘山無任云

同前

劉禹錫

臣某言中使某至奉宣聖旨賜臣畫鍾馗一新曆日一軸
恩降雲霄光生里巷雖當歲暮如煦陽和臣某中謝伏以
將慶新年幸脩集作故事續其神象表去厲之方頒以曆
書敬授時之始集作臣何幸天意不遺云

同前

前人

臣某言高品某至奉宣聖旨賜臣畫鍾馗一新曆日一軸

星紀方廻雖逢歲序
 驅除群厲頒行律曆
 動用叶吉常為掌握之
 之至云

貴顯之榮烈婦常及
 弟之責亦對非謝之憂
 與熾年林業聖慈委以
 表四十五

謝追贈官喪葬
此卷英華所編失年代先後今正之

謝贈官表一首

為寧王謝亡兄贈太子太師表一首

謝贈亡妻鄭國夫人表一首

謝贈姊隴西郡夫人表一首

謝賜男絹等物并贈亡妻留國夫人表一首

謝追賜父學官表四首

代常令公先人贈官表一首

代路中丞先人贈官表一首

為杜司空先人贈表一首

代兵部崔公謝追贈三代表二首

為宗舍人謝贈表一首

初七謝恩表一首 遷柩謝恩表一首

為義興公求拜掃表一首

為義興公陳請終喪表二首

為田僕薨謝制使問表一首

為田神玉謝賜錢供兄葬表一首

為田神玉母太夫人謝男神功葬賜錢及神玉領節

使表一首

為田神玉謝兄神功於京兆府界擇葬地表一首

為田神玉論疑作不許赴上都喪表一首

為田神玉謝詔葬兄神功畢表一首

謝贈官表

常袞

臣袞言伏奉今日恩命臣亡祖故慶王宰相世系表作雍王文學先

臣楚珪贈兵部尚書亡祖母王氏贈齊國夫人亡父故京

兆府三原縣丞贈給事中先臣無為贈太子太保亡母南

陽縣太君張氏贈鄒國夫人仍賜立私廟三室慈旨忽臨

憫冊加等哀榮頓極感涕交流今日殺身此生分足臣袞

中謝臣聞德及於人功濟於物然有光昭祖考特加追命

之榮崇嚴廟室俾展奉先之敬臣授任非據尸位已淹合

上叩公朝退身私第固以未禪神化誓答皇慈尚塵青瑣

之闈猶汚玉堂之署乾坤施厚歲月恩深趨進崇階坐封

故郡如臣之比罕見其倫今又念及先臣旌其內訓寵以
六官之長榮極一師之列魚軒表於東海翟茀賦于南都
宗柘有儀春秋有祀變與土祭之禮被其公服之章昭穆
偕昇感懷泣血末惟臣之祖父業茂文儒夙荷重名不躋
通列微夫小子實忝前人才薄位高上慙無地夙夜感切
啓處不寧豈謂寵靈荐加志願俱畢人子之道聖睿曲成
情禮之間私門獲遂屬當禁火歸省先塋便奉除書以時
昭啓洒雨露於松柏懸日月於丘封閭里相榮故老垂泣
不圖存歿頓極於斯寵渥殊常戴荷失次於家出望於國
無勞惶赧踖蹐不知所報無任感慶屏營之至謹奉表陳
謝以聞

為寧王謝亡兄贈太子太師表 元明

臣琳言伏奉今月七日制書贈亡兄特進汝陽郡王太子
太師澤下天中寵被哀次昭告且畢摧絕失圖臣某 中謝
臣自撥咎釁復此悲苦更蒙飾終恩倍盈先遠之痛無任
屏營猥塞之至

謝贈亡妻鄭國夫人

臣某言某月日中使某至特蒙聖慈追贈妻單氏鄭國夫
人捧拜絲綸載光奄臣某 中謝 臣亡妻所生男憑見任
御史中丞克張忠孝軍職務臣頃應援易定之日屬京師
變亂之初臣方誓死迴軍星言赴難孝忠敵強勢弱切欲
相留稍住則臣子不安往來則懷撫交闕男憑年甚幼小

留定婚姻恭行廟勝之謀克觀中興之運憑雖昧雅似可
愛矜陛下猥賜寵章贈延聖善因子及母恭承孝理之風
往慰存為屈哀榮之典既申程弟追詠鵲巢恩光既洽
幽明霈澤永流於泉壤憑緣所職又在定州殊私豈止
於丘山感激實深於內外臣無任

謝贈姊隴西郡夫人表

前人

臣某言伏奉詔命贈王氏之姊隴西郡夫人恩澤送終寵
賁中錫感戴無力幽冥有光臣某中謝臣少遭閔凶長姊
覆育中限王事動成遠辭奉迎纔至殂謝已及臣頃者近
當劇賊遠候蕃戎方勤公家遂殺一作豈暇私禮瞻言痛慕有
逾常品豈意詔書下降聖澤芳流念微臣之瑣功封一作
姊迴聖代之茂典榮彼重泉未知何階仰答殊造
將交愛之分用酬愷悌之恩臣無任

謝賜男絹等物并贖亡妻晉國夫人表

代人作

令狐楚

臣某言臣特進奏官狀報二月二十五日本道監軍李輔
光奉宣進止賜臣男公敏絹五十疋衣一副著蓋碗一并
合發遣往東都辦護喪事王二十六日伏奉勅賜臣妻博
陵郡夫人崔氏晉國夫人敕承明命以悲以歡臣某中謝
臣某帝枝末屬天壤微生幸偶升平叨居要劇生成之德
無以奉於君親封賞之榮豈望及於寡子今者一門之內
二日之中王澤流於幽明天光蟠於高下受恩適厚忍愧

逾深且剪葉為珪晉封所以稱其大織練如雪瑤女由是
詠其妍既耀溢於親疎實感纏于存沒未知所答難以自
陳空知想泉路以傷心仰天衢而稽首所守有限未獲陳
謝無任

謝追贈父官表

韓翊

臣某言伏奉恩制追贈臣亡父通直郎行京兆府醴泉縣
尉成名禮部郎中者渥澤流於幽隧哀榮集於私門兢惶
拜命涕咽無措臣某中謝先臣素履貞白早謝昌時臣雖
叨竊班榮不及祿養每懷風樹之痛莫報蓼莪之恩伏惟
皇帝陛下深源一作弘孝理澤被存沒特降殊私爰加褒贈
幽靈知感結草有期微臣戴恩畢命思報不任荷懼

謝贈母官表

前人

臣某言伏奉詔書追贈臣亡母李氏楚國太夫人者承命
祇感哀榮罔極臣某中謝臣年甫強仕禍積靡恃痛吹棘
之莫諭瞻風樹以未懷雖忝分茅之榮實由斷織之訓動
興休惕感戴劬勞豈謂陛下推恩成仁廣孝致理寵延隴
隧秩開國封使微臣沒地有辭終天無恨既申欲報之志
更切匪躬之誠餘生萬死豈答玄造無任受恩屏營哀感
之至

謝追贈父表

前人

臣某言伏奉詔書追贈臣亡父先臣師空者慶因出震澤

及重泉禮命式加哀榮兼極臣某中謝臣遭家不造過庭
無聞仰先聲而彌高勸遺訓而靡及徒因積善率勵小心
位忝統戎寵加錫賞此誠陛下孝理為本德教所先因作
辭之明威布追遠之厚德禮降幽壤位崇上公遂使展罔
極之哀受恩感於庶物襲有後之慶撫事愧於揚名既中
報養之懷載竭移忠之孝臣子誠願備極於斯無任哀感
之至

謝追贈父母官表

權德輿

臣德輿言伏奉今日恩制臣亡父贈太子少傅先臣某追
贈太子太保寵靈所及徽數特加捧承命書感奉酸咽臣
某誠惶誠荷頓首頓首伏以先臣在天寶末年筮仕
其誠貞特立忠孝兩全名節冠於古今風聲激乎天下以
憲載筆逮事肅宗稟命不歇早違昭代臣韶齒之歲孤
零丁遭逢昌運漸履名級過叨睿獎忽至台司無能受祿
莫與臣比以先臣之名器未稱餘慶或鍾蒙陛下之寵秩
逾涯此生何幸所建家廟實稽國章時及春祀禮從柎饗
豈謂聖慈曲被孝理集作思是崇當啓匱題主之時有告第
漏泉之命感悲集作深霜露禮盛蒸嘗自葉流根寔荷非常
之澤摩頂至踵難酬不次之恩交感之情集作昭山岳非
重無任祗荷殞越之至謹奉表陳謝以聞臣某誠惶誠荷
頓首頓首謹言

頓首頓首謹言

元和七年
二月一日

代帝令公謝先人贈官表

良士

臣某言伏蒙天恩贈臣父尚書右丞司農卿先臣某揚州
大都督禮極哀榮感戴增懼臣某中謝臣父受教儒門宣
力王室雖典司綱轄而未及崇班臣殃咎所終早失嚴蔭
恭守遺訓致及人倫逮事休明謬登清貫常恐不克負荷
忝辱祖宗豈謂陽和之仁因下炎上雨露之澤自葉流根
大府名藩位秩崇重授之庶姓罕有其倫是臣父著績於
先朝蒙寵於今日臣事君之節未効消塵爲子之方已榮
松楸感恩思報豈謂爲忠履族殞身孰云非孝方任有限
拜謝無田徬徨海隅進退哀懼不任荷恩之至

代路中丞謝先人贈官表

正甫

臣某言伏奉某月日恩制追贈亡父先臣某司

正甫肅嘉命捧戴綸旨哀號靡及追榮哀章沒世無復

臣某策名昌運不待聖明錄功上台載彰忠烈陛下以臣
兄應理行有聞擢居連率光貫重渥慶流三泉此皆陛下
代天求錫論道成於故事俾臣兄弟疑作移疑作孝歸於盡忠
悲喜交心拜舞以泣不勝感咽崩摧之至

爲杜司徒謝追贈表

劉禹錫

臣某言伏奉制書褒贈臣亡父冠臣某官尚書左僕射者
時逢霈澤禮極徽章臣某中謝臣家受國恩至臣累葉常
懼不克負荷以忝前人豈意多幸遭逢獲居台輔集作位集作陛
下應乾御極作解正人恩浹寰區禮崇集作宗廟垂仁布
德自葉流根紫書忽輝黃壤多幸八字集作紫書忽降於
重霄密印榮加於厚夜

星霜曾感
嘗有輝非臣殞越所能上報云

代兵部崔相公謝追贈三代表 錢珣

臣某言伏奉某月某日制命追贈臣亡魯祖某贈某官亡
祖某贈某官亡父某贈某官伏以恩深逝水澤及重泉哀
極失圖感惟增懼伏念先臣實封聖代寵被乘軒之數名
傳汗簡之書而際駟難留隴樹斯拱積感既深於霜露叨
榮復忝於陶甄陛下重顧台臣爰加贈典陰陽未序寧施
報國之功霈澤遽臨空激承家之志仰惟追命唯自省躬
臣某無任荷聖感恩哀榮懼一作懼屏營之至

同前

前人

某言伏奉今日某日制書追封一作臣亡魯祖母亡祖
亡母某國夫人者典常重舉渥澤下流臣某中謝

尊號皇帝陛下動法天經用弘王道繼降追榮之命若酬
輔政之功竊念微臣謬持魁柄計月日則四時來疑作未
調陰陽則六氣未知疑作和而聖造曲臨燹章俯及上公端
揆已承褒飾之恩大國贈封更荷顯揚之賜康化權而無
力顧家諒而有光祗戴睿慈臣某無任哀感激懼屏營之
至

為宗舍人謝賻贈表 陳子昂

草土臣某頓首稽顙言今日日中使某官集作至奉宣勅旨
以臣母喪贈物若干以給凶事孤臣鞠凶禮辱天贈集作
稽顙拜命號絕迷圖臣某中謝孤臣不天早失覆集作陰

兄弟孤藐並未成人亡母哀惻鞠育見保不墜于地以及
於茲煢煢私門幽顯為慶榮泰集作之望非有始圖陛下
親親敦念未屬憫臣卑賤惠降恩休孤門再集作昌實始
天造母子之賴以喜以惶兢兢孤人未知攸答陛下又恢
大運崇號寵章特復私臣弟兄超登顯位母子光寵榮養
以申集作豈臣卑微官能及此早誓集作先沒以為親榮
而天不禍臣延及先母集作于老母號訴集作無及荼毒煩寃
陛下降哀集作凡憫悼惠賜禮物過越典章生榮死哀重疊
若此孤臣集作而胡顏日月集作而臣之迷塞荒謬禮經先
遠之望集作聖問有無之禮憂若家人天實為之臣復何
勝荒迫之至

初七謝恩表

前人

草土臣某頓首稽顙言今日日伏奉恩勅以臣亡母初七
特降上宮若干人給事黃門若干人并賜物若干段以給
設一作齊事天命集作過禮伏命集作號惶以臣凶殃集
孤臣尚未殞滅荼毒如昨奄將一旬崩號無及肝心靡集
糜潰陛下慈惻哀念孤窮復憂齊祭恐有闕禮既賜束帛
又降上宮恩慈再三若猶未足自國家寵貴不集作聞此
榮草茅孤臣何以堪處不日銷滅永負聖恩泣血號天集
號泣以崩以想不勝荒迫之至

遷柩謝恩表

前人

草土臣某頓首稽顙言伏奉某月日恩勅以臣亡母遷柩
特降勅給人夫若干車牛及服用物若干以護送靈柩至
京祇奉恩私頓首崩墮臣未亡城假息苦廬日月永往奄
及先遠荒迷在疚不知禮儀陛下哀矜憫其不逮恐有顛
沛憂及亡靈備物象設並自天錫集作賜祖載營集作營送文
遣集作悉官供威儀不遺集作在途魂魄光寵行路延佇而以爲
榮孤臣窮凶何圖至此集作天德彌厚殘喘待終泣血扶
靈方滅歸路號感恩造窮絕迷圖不勝號噎戀恩殞絕

爲義興公求拜掃表

陳子昂

臣禍釁所鍾早日孤露墳塋莫掃松柏凋荒臣之不天實

有由集作收咎死罪死罪昔先臣下代遺訓未亡集作志而

不可道孤臣不孝萬死餘貴死罪死罪然臣之負譴實陷

無辜吏議不明以投魑魅自泣血去國寄命南荒歷年被

病并以生死炎長海氣瘴窮天戴白之老俗無間者孤

臣疲萃豈望謂委骨倉集作窮溟餌身魚鱉狼荒之

鬼永悲長逝不公雲垂澤天渙橫流集作宏流拂拭露霜集

未泯凶故仍集作存兄濟江合家淪溺嫂姪俱沒一不

生存尋途不中臣妻又殞重疊亡毀契闊山川至止之日

生意盡矣誓將守死陵墓歿家園不圖恩幸曲成寵章

仍及題輿別駕職是恩州再造生靈天實爲德死罪死罪

仍及題輿別駕職是恩州再造生靈天實爲德死罪死罪

臣自歸日淺塋廟未修荆棘荒然祭祀無主今則便祗王命遠職邊夷歲月方賒拜掃何日誓言出涕感咽崩摧伏惟陛下仁養群生孝理天下萬物咸遂各得其宜臣獨向隅有以長戚伏願天怒愷悌憐憫孤窮寔以簡書之刑賜其告歸之請使其駿奔西土長號北陵獲申存歿之悲生謁園塋之樹稽顙松闕謝不睦之辜內祖山門祈自新之路誓刻亂骨奉以周旋然後退死蠻夷沉骸糞土斗心朽滅庶無遺恨儻昊集作天鑒照孤誠可哀則臣之鯁生志畢今日不勝崩迫之至

為義興公陳請終喪第二表

前人

草土臣某言去年某月日奉哀陳請乞終喪制今某月日奏事官賫臣所奏表迴伏讀報詔不勝悲懼陛下為臣某有政能特見任用使臣移孝為忠即斷來表臣內愧不孝外慙無能污辱聖聰措身無地臣某中謝臣聞時方媮薄勸人以孝時方趨兢勸人有禮有不至者誅而教之臣今不病固合辭避况臣疾發日久亡母未葬忍偷餘生望畢家事敢汗人倫以傷風俗昔山濤與時主有舊温嶠亦功存當代濤起應禮嶠不歸葬守禮法者議而薄之臣於國家無濤嶠之功舊必依詔命兼濤嶠之可薄俛仰人間豈獨羞耻聖朝用法合置誅殛前者直省賫勅勒臣赴任使司准勅移賁州縣所由官吏畏懼威嚴臣所經行停留不得待臣出界然後奏報臣氣力羸憊奔波道路悲憂惶恐

舊疾加極半身不遂手節拘急行步飲食須人扶助近又
兩目昏暗如有瘴疔雖生猶死不堪力強特望聖慈乞臣
骸骨歸奏几筵及葬州里在臣私情死生願足臣今病在
桂州俯伏待命臣風昏謬妄舉動失常頻犯天威不勝震
恐謹遣某官奉表陳乞以聞

第三表

前人

草土臣某言臣先患風疹并兩目昏闇右手不能制物一
足不自運動前後頻有表狀請停官職臣自到桂州病轉
增劇更加瘴瘧卧在床枕兩目漸不見物起動皆須扶引
死在朝夕敢偷祿位伏恐陛下謂臣尚顧禮教以疾辭讓
懇延歲月待畢喪紀臣除官已來向欲 歲頻 詔令
典刑陛下縱不忍罪臣 乞臣餘生固不可 臣

官 臣痛損特望天恩即為臣替不任荒懼哀懇之至

為田僕射薨謝制使問表

于邵

臣某言左金吾將軍吳湊至奉聖旨兼賜臣母趙國大夫
人臣嫂夫人并臣及將士等勅書以臣亡兄某特承憫問
捧對哀咽摧裂肝心臣某 中謝 臣兄報恩未畢抱恨黃泉
陛下俯聽鼓鼙永悲簪履哀痛之詔併歸一門撫存之恩
將宥十世載悲載躍感戴無階以亡兄既忝信臣寡嫂則
惟近屬偏承恤慰曲被恩慈義同家人禮絕朝典喻臣老
母保養高年念臣諸孤俾全餘喘無大無小上煩聖慈竊
光親降於重臣優問必先於宿將殞身難報拜手增悲臣

無任荷恩哽咽之至

為田神玉謝賜錢供兄葬事表 韓翊

臣神玉言伏奉手詔兼奉勅牒賜錢五千貫文給臣亡兄神功葬事用拜手感恩闔門悲戴臣某 中謝 臣兄始終効節存歿銜恩智悼在堂已加朝禮滕公居室又荷天慈錫其九府之錢寵以重泉之路多踰千萬榮冠一時去病歸終空陳玄甲孔光送往薄賜黃金在臣私門寵極前古但盡哀號之禮寧憂窀穸之儀臣無任感戴悲躍之至

為田神玉母太夫人謝男神功葬賜錢及神玉領

節度表 表 中云 顓謂周顓 勤謂馬勤 前人

妾張氏言奏事官潘洽迴伏奉手詔以妾亡男贈司徒功葬日有期特承哀問兼賜神玉手詔所賜本道錢四貫並令妾以下聖慈曲被感戴哀絕妾 中謝 妾隨子東往銜恩北闕累承雨露載啓山河同顓之親幸及貴登僕射 異一作 勤之母不見生拜司徒何 怒一作 荷聖慈寵加存歿 弘疑作 姜年暮俯矜哭子之哀度翬牙微尚使領兄之衆殊悲望外且慰目前况將通 疑作 遠期特垂渥澤更切撫存之義兼迴贈往之資赤仄滿庭紫泥在篋痛而受賜哀以為榮庶神功有知應感安親之道竟其無昧更酬報國之誠載號載悲不勝感絕妾無任悲戴之至

為田神玉謝兄神功於京兆府界擇葬地表

臣神玉言今月三日得上都留後報稱伏奉勅牒臣亡兄

神功宜令所司於京兆府界擇地安葬仍令京兆尹克監護使勾當恭承渥澤俯及遠期拜手感恩摧心增慟臣某

中謝 臣亡兄任崇寄重方報聖恩祚薄釁深早違昭代天

慈悼往朝典餘終日月有時乾坤曲施榮加昭葬寵荷官

給榮如曹氏京兆開阡貴比霍家相連象冢義光前古禮

極哀榮在臣一門盡出望外載悲載躍無階上酬臣願號

赴私門親護喪事緣物留務不敢自專今見催促行裝伏

待進止 云云

為田神玉論 不許赴上都護喪表

臣某言奏事官潘洽迴伏奉勅書手詔兼宣進旨不許臣

輒離所部又以臣脚弱無力伏奉批表以軍府政殷

鎮緝不赴上都也懇誠莫遂祇命取惶臣某 中謝 臣兄在

辭昭代俯及葬期臣請解戎章歸護喪事義雖聞上恩不

聽卑掩泣轅門飛翬隴樹外慙形影內切肝腸千兩送車

臣空瞻望九原臨穴臣不躬親一斗骨驚三時心死伏以

大君有命重鎮無人俾臣割哀勗臣留務宣恩拜手祇事

撫膺又荷聖慈追懷前効俯悲簪履軫念松楸更使改期

貴先遠日幽明銜荷感謝無階不任哀感之極

此篇元誤編在六百二十五卷雜諫門今移于此

為田神玉謝詔葬兄神功畢表 韓翃

臣某言臣亡兄某以今月二十日詔葬未畢感恩追慟肝

心如裂臣某 中謝 臣亡兄俯歸幽窆更軫皇慈易以大名

賜夫祕器王人加贈京兆護喪道備哀榮念深勳舊霍光
故事斯則為優一作方謝安殊禮彼何足貴臣限忽留務
虔恭聖私不及親扣泉扃盡哀號之義廻趨陛下謝喪
之恩慟哭轅門五情分潰臣無任感激之至

文苑英華卷第五百九十八

表四十六

謝詔勅書慰問

此卷英華所編失
年代先後今正之

為留守羣官謝恩詔表一首

謝勅書表一首

為留守少傅等謝勅書慰勞表一首

謝問表一首

謝恩慰喻表二首

代河南裴尹謝墨勅賜衣物表一首

謝詔許濠泗州割屬淮南表一首

謝手詔慰撫表一首

謝恩存問表一首

謝墨詔表二首

謝手詔表三首

謝潘侍郎到宣慰表一首

謝恩宣慰并賜手詔表一首

謝手詔許受吐蕃信物表一首

謝勅書宣慰表一首

謝判官郭彥即中謝手詔表一首

代謝賜批答表一首

為留守羣官謝恩詔表

顏師古

臣某等言守太常少卿崔敦禮至京師俯降神筆曲垂誨
獎祇奉欣戴伏深抃躍臣等詳觀史策歷選前王損益相
承質文遞變遺風餘烈昭然可觀自堯舜之後殷周已降
政道踳雜淳風斯寢干戈日用喪亂弘多悠悠千載莫能
澄廓况乎有隋失德區宇分離九鼎鳧飛八紘魚爛圓首
方足俱委骸於原野躪實鼎虛同取斃於凶毒亂極則治
命實有歸河清啓期天杵欲底陛下獨運神武援手濡足
陶甄庶類屈已忘勞日月之所照臨天地之所履載皆受
更生之賜俱荷裁成之力加以留情庶政昧旦丕顯掃滌
煩苛澄清禮樂遠邁開闢之功罕籠帝王之表時和歲稔
玉燭遐被嘉祉靈貺金英自臻朱明炎暑聊因多暇暨廻
鸞蹕巡幸甘泉伏承攝衛攸宜聖躬萬福下情慶幸率土
咸賴臣等材質庸陋謬荷超擢俯循薄劣懼不克堪謹當
夙夜戰兢自相勗勵竭心罄力以酬鴻造使百僚率職仰
副天心四方抵勉俱稱慈澤臣無任

謝勅書表

許敬宗

臣某言奉今月十一日勅伏開瑤檢等鑿竅而覩虹霓戴
荷絲言似假翼而騰雲漢臣以愚劣本乏詞情比加衰老
更增才盡年踰郭北滯守周南引領天庭望卅霄而結戀
馳魂魏闕懼黃落而長違忽預聞韶方申擊壤之慰詞均
鄭璞匪無遼豕之慙精衛銜芻豈究靈螯之境秋螢繼日
安測陽羽之昇天澤旁濡恩光曲照剪拂錫其容彩吹噓
飾其羽毛雕朽為妍竊比鏗一作金之響涸鱗霑潤縱游
陸海之深不勝抃躍之至謹附右宗衛副率賀拔儼奉表
陳謝以聞謹言

為劉少傅等謝勅書慰勞表

高宗

楊炯

臣某等言司馬郎中王知敬至伏奉今月日手詔璿
天象之三光玉檢前開見河洛之八卦發揮
看風雲不知手之舞之足之蹈之者也臣等稽之天地明
山關長男之官步之日星樂府奏重光之典疑作二王所
以立教者天子為先萬國所以稱貞者元良是寄伏惟天
皇御中道踐平陸對揚文武之休命紹伏古先一作之大
業洛京朝市義叶於省方秦地山河事資於監守皇太子
一物三善四方繼明孝以承親顯於直地之路明以照下
驗於長壽之術虔奉絲綸躬親政事德刑詳矣既遠安而
邇肅博愛先之亦途歌而里詠固以禮成恭敬道洽溫文
知寶歷之無疆信蒼生之幸甚臣等竊循愚蔽謬荷恩私
或位聯輔弼職在台衡希少陽之末光自韶螢大洽重海

之餘潤色 息牛涿不謂殊獎曲覃真文俯及載之眉首
奉以周旋聽葛天氏之歌方慙此慶聞有虞氏之石未均
斯喜但知懷璧之罪不可越鄉豈敢貪天之功以為已力
傾誠每積候朱鳥於南宮拜德無因限蒼龍於左闕臣無
任

謝問表

玄宗

張說

臣說言內給事高力士至伏奉墨制

集作勅

聖慈綢繆言及

舊昔拜舞捧讀且驚且喜

集作且喜且慙

臣聞漢主春驟乘之臣

魏君憶同遊之客誠以故舊不棄而光陰易往今之聖情

實過於昔臣曩蒙侍文北閣倍宴東堂庭闕一逢寒暄三

載不意逢春之草承清

集作

露之惠溼容光之隙引建

之華無任荷恩戀主之至謹附高力士奉表陳謝

謝恩慰喻表

玄宗

李邕

臣某言伏奉今年某月日恩旨恕臣重責護臣小才日月

之明早曜絲髮雷雨之施振起昆蟲臣某

中謝臣二十餘

年數從遠謫流離辛苦契闊死生因陛下興聖謀行天討

救萬人之命解四海之懸臣所以脫於往危保於今泰者

為此頃歲昌宗執柄三思弄權臣與宋璟同論桓敬俱奏

貶臣為常

李邕傳作富

州司戶實荷陛下誅蕭氏之後收正人

之餘特拜臣左臺侍御史此陛下活臣之命貸臣之榮一

也頃歲譙王重福謀立東都臣當留臺與洛州司戶

日知傳作

馬崔日知挫其逆形收其餘孽東都底定職臣之功自文

林郎拜朝散大夫除戶部員外郎岑曦崔湜之輩以臣再用往還并忌崔隱甫倪若水等恐為陛下之助與臣同制各貶官仍聯翩左遷為崖州舍城縣丞及陛下正位紫宸臣又自嶺南九品遠惡官除朝散大夫戶部郎中又荷陛下活臣之命貸臣之榮二也頃歲陛下東封將還臣路左謁見猥承聖顧廣錄舊文朝議恐陛下用臣薛自勤與外生庫狄履溫羅織臣至死仍承陛下免其罪授臣官又荷陛下活臣之命貸臣之榮三也臣出入嶺南自經一紀自澧州司馬加朝散大夫兼此州牧解青綬垂彤襜去瘴毒之艱遂江山之性又荷陛下活臣之命貸臣之榮四也且臣遠覽前書頗聞故事一食之惠尚可殺身况臣蒙聖恩

千年之恩救愚臣萬死之急至若訓誨委積率喻再力負山不勝其重螢火向日徒失其晶必當閉戶絕交澄心去欲下以安所部上以報所天豈徒殞軀喪元焚妻夷族而已無任生死肉骨恐懼感戴之至 云云

同前 玄宗

崔沔

臣某言伏奉某月日勅書慰問跪捧扑躍不勝感戴臣某申謝臣東鄙孤賤名節未立比州述職績用無聞誠愧王尊傾河羨溢德慙呂望恒雨霖霖加以擅散國儲輒違常憲權稽兵賦不會嚴程雖事切憂人而跡冒平法鞠躬夕惕側足夙營伏待刑書豈期恩命陛下明逾日月施重丘山察求瘼之心弛慢公之責紫泥佳命降自雲霄玄澤殊

私旁霑草木振窮之際散發廩之深憇拯溺之長矜泛舟
之小惠恤下諸吏咸知向方徒殺征夫卒獲寧止猥承天
造安敢名言徒誓微軀何能答効臣某限以守職不獲
舞闕庭無任

代河南裴尹謝墨勅賜衣物表 玄宗

臣某言今日日進斃器官某即行河南尹鞏縣主簿蔣清
還伏奉墨制仍賜臣衣一副瑞錦一端恩垂北闕榮照東
園捧戴殊私載兢載惕臣某 中謝 伏惟開元天寶聖文神
武應道皇帝陛下兼上聖之姿運大明之照雨露萬國陶
光百靈履無爲而撫域中躬自然而化天下猶復勤勞辱

官上報無階致身惟谷任土修貢臣子率由之禮自天
祐君父非常之恩宸翰昭回聖慈稠疊寧期水土之淺土
簡乾坤之心天下幸甚復淳風於大古小儉德於前王特
垂懸象之明俯賜名臣之服恩銘骨髓澤被宗門不勝慶
幸且重錦之賜取貴春秋解衣之賞見高漢代服以宮中
之製耀其機上之文潢潦獻微立山報重又臣所進新米
特奉手詔更聞豐歲知萬國之至和式索秋嘗明一人之
孝理無任手足蹈舞之至

謝詔許濠泗兩州割屬淮南表 代杜相 公德宗 劉禹錫

臣某言伏奉十一月二十九日詔書其濠泗兩州令依前
牧管臣謬承寵光作鎮淮海位均九百權惣十連內省無

堪常恐不逮豈謂恩私曲被封略有加慙無報政之勤重
受分憂之寄伏以兵戎方息閭里未安謹當奉宣皇風慰
彼黔首且責成於牧宰期不失於澄清伏惟聖明俯賜照

集作 昭 鑒臣無任

謝手詔慰撫表

前人

臣某言臣監軍使判官劉寄至伏奉勅書手詔兼奉宣口

勅奏事官王穆廻又奉尺書手詔兼宣口勅并慰撫問臣

及將士等聖慈稠疊感戴無階臣某

中謝

臣跡忝戎力

慙致果一昨勵兵秣馬破賊攻城皆承睿略指

一作 蹤廟

謀制勝豈臣庸妄敢竊勲勞每佳馮異推功見稱良史常

惡樂羊求賞翻謝謗書拳拳血誠天實諒只但以孤

立衆口易誣銷骨為厲撫心是懼樹楊恐拔非獨一人

焉畏讒信如三月忘寢與食以榮為憂陛下聖聰聽卑宸

鑒燭遠天書軫念口詔宣慈特荷知臣之明累稔報主之

効許之純直慰以貞堅北闕之恩謬加倚賴東門之倚又

切防虞寵兼腹心澤浸骨髓載欣載躍感戴無階豈唯剪

逆鳧兇獨申微効實冀粉身灰骨上答殊私臣無任

謝恩存問表

前人

臣某言王敬仁至奉口勅存問微臣憫其疎遠之悲慰其

違難之恩臣某

中謝

臣自今春分司入洛即屬陛下受命

承天企揖讓之盛

需蕭雍之大德

英匝歲日夜懷歸
白雲在天闕庭難口豈期是壤為

尚憶他山之石貞明

溥臨遠及容光之地二深行蓄養其遺簪草木之誠何國
造化無任感恩慕戀之至

謝墨詔表二首

前人

臣某言中使陳日華至奉宣聖旨存問兼賜臣墨詔又以
臣所奏羅珣及裴靖政理有方今各賜手詔激賞者恩隆
重霄澤流下土義敦獎勸榮冠等夷臣某中謝臣昨以羅
珣裴靖勵精吏理效用著明人感悅安俗致殷阜恐瀆甄
錄以勸在宮輒獻封章具陳成績伏蒙睿覽集作俯亮恩
衷嘉理行之尤光示絲綸之深旨守道者益以固志懷
者由是悛心激俗化人於慈為大臣謬司廉察職在
幸遇旌善之時獲免蔽賢之責員云

二

臣某言中使陳日華至奉宣聖旨慰勞臣及將佐官吏優
道耆壽百姓等兼賜臣墨詔恩降紫泥澤流下土跪捧自
天之命遙傾捧日之心臣某中謝伏以皇帝陛下凝旒穆
清軫念黎獻已洽雍熙之化尚存宵旰之勤遠降王人特
紆宸翰慰問集作稠疊味諭便蕃任重力微不知上答應
緣戎旅庶務謹具別狀奏聞伏乞皇明俯賜照鑒無任

謝手詔表

前人

臣某言中使閻忠肅至奉宣聖旨存問兼賜臣手詔拜
紫泥跪伸金簡承中謝聖神之略感恩結身命之輕臣某
中謝臣素乏異能幸逢昌運恨當中謝之寄未靖妖氛

分台鼎之名何階一作位斯一作尤是虞豈謂玄化自
成鴻私荐及特紆一作恩一作親一作灑一作仙毫降自九天一作祭一作祭
五色初喜麗天之象一作暎輝光旋驚垂露之灑一作曲一作覃一作霽一作澤
鸞鶴廻集作鳳一作翔而變態煙雲舒卷以呈姿一作彩飛空一作登
神蕩目恭惟國寶何幸家藏感極涕零莫知上答應緣軍
旅庶務謹具別狀奏聞無任屏營之至

同前二首

符載

臣某言今日日中使鄂忠政至伏奉手詔以臣微疾尚軫
聖懷日月私臨於幽一作陰一作蟲雨路曲霑於旱草感戴所迫
若無精魂臣某中謝臣初中風疾狀候頗劇自蒙聖澤特
賜神方酌和劑之宜備其辛之味曾不信宿已覺痊平伏

以聖意纏綿此方神異思慮超古今之表重輕得損益之
中故以藥攻病如水灌火且以鴻恩為湯餌何榮衛之不
調以造化為岐和何膏肓之不去丘山至重草介極微報
恩之分殺身後已不勝激切危懇之至謹奉表陳謝以聞

二

臣某言中使某至伏蒙詔旨褒臣政事慰臣疾病并示除
改廬州刺史路應等五色絲綸九霄雨露光華潤澤併集
微臣捧戴競惶無地容措臣某中謝臣伏見自淮而南天
下重鎮臣叨受旄鉞僅二十年人無天昏歲屬豐稔瞻彼
疆域小有康寧此皆陛下睿謀鴻化之所被及豈臣薄劣
有能致理臣所患風疾漸至降損飯食其適肢體便安此

皆陛下神方秘術之所攻療非臣調護所能平愈伏見除
改諸州刺史等路應和而明裴靖才而通羅珣斷而達李
正臣強而毅陛下或以賞受或以能遷或增之以憲司或
擢之以棘寺實所謂宸鑒高遠霽獎弘深雖虞舜官人之
美無以過此臣才非申甫恩重嵩華惟跼地以彷徨敢窺
天之遠近不勝懇切悽悽之至謹奉表陳謝以聞

謝潘侍郎到宣慰表

憲宗

揚於陵

臣伏奉八月二十四日勅陛下以江淮旱歉軫慮蒸黎命
度支鹽鐵轉運使戶部侍郎兼御史中丞潘孟陽宣諭慰
安蠲除疾苦以今月二十九日到臣本州頒錫詔書以系
恩化臣及官吏百姓等咸蒙聖慈特加存問爰自城邑
於里間喜氣浮川歡聲被野臣忝守藩服恭承德音荷
寵光跼踖無地中謝臣聞天覆無私雖幽必燭人心有係
惟聖能通伏惟皇帝陛下德冠君臨澤均子愛一物失所
如軫於納隍一人不獲載懷於馭朽敷求至理懋建大和
明命施行率土欣戴臣實庸瑣叨領方隅奉陛下亭育之
仁當海濱旱歉之後人多遷徙賦亦逋懸夙夜憂兢冰炭
交戰忽承慈旨特降使臣優貸俯及於藩條勤恤遍加於
凋瘵以制國用思致於均平以勗庶官俾甄其課効發蹏
而生靈交暢先春而和氣導迎宇雖廣而煦嫗必周天雖
高而感通一作應寧遠臣幸逢昌運荐沐殊私誓將罄竭
駘上裨萬一無任激勵踴躍感恩之至謹遣討擊副使曹

序奉表陳謝以聞

謝恩宣慰并賜手詔表

前人

臣某言押領日本國朝貢使迴伏奉宣聖旨并賜臣手詔寵私累降荷戴難勝臣某中謝伏惟皇帝陛下重光嗣聖玄德升聞九有來王萬方率職以日本國使遠獻琛費畢事旋歸言念梯航之勞厚其行李之費恭承詔旨伏見天慈臣當道發遣素有舊例今則稍加豐備上副懷柔已具別狀分抗聞奏臣無任

謝手詔許受吐蕃信物表

前人

臣某言奏事官戴誠迴伏奉墨勅慰問臣并以臣所進助西陵材木收納訖及吐蕃東道都元帥尚乞悉羅與臣等宗政等信物並蒙聖慈許令收領者殊私累降感抃勝臣某中謝臣以庸鈍叨膺任寄憑奉聖略藩守疆陲而亭障無虞戎夷獻款每示綏懷之德願輸臣妾之心昆夷喜附於漢疆禮物道通於邊將陛下以覆載之廣延納是弘假其專受之名外示不疑之禮仰承弘貸俯積兢慙今臣及仰崇政所與迴答信物并準詔據舊例量事發遣訖其敬國清已牒本鎮令勘待報到續具文奏又蒙宸慈特賜答蕃書本宣威示信體遠懷人俾無飾詐之虞實感曲成之道誓當戮力以俟一時未絕虛名乃臣職分無任感荷屏營之至

謝勅書宣慰表

臣某言中使馮仙鶴至伏奉手詔兼宣口勅慰撫臣及將士等聖恩曲被戴荷無階臣某中謝臣謬承驅策盪滅兇殘役未踰時恩無曠日九天之上詔下斯須千里而遙威如咫尺示臣攻守之勢勗臣進取之期斷敵用奇皆憑曆略指縱制勝盡出宸衷但當戮力悉心捐軀致命冀申微効仰答鴻私臣無任

為判官郭彥即中謝手詔表

臣某言監軍使判官馬某至伏奉勅書奉宣口勅慰撫臣及將士等恩獎殊常寵驚無地臣某中謝臣幸承朝命叨佐戎旃無借筋之謀詎申微効有挈瓶之智備守成規力彼軍悉心留務雖事皆關白旌旆非遙而職在防澤是切豈謂常憂罪戾忽降綸言每驚寵辱特荷恩私澤載覃不遺於細物天書忽降曲賜於賤臣手捧紫泥心馳丹闕以欣以抃戴荷無階上答殊恩百生多幸俯慙微命萬死難酬臣無任

代裴相公謝賜批答表

杜牧

臣某言臣伏奉今日日批答令臣宜斷來表不許軍讓者仰承鴻澤跪捧芝緘戰越失圖啓處無地臣某誠惶誠恐頓首頓首臣昨奉制集作詔書付以魁柄自顧斗筭之器揆揆之才乘恩寵時竊棟梁任只合効蔡謨堅卧孔霸懇辭尚猶拜謝天顏進見卿士榮忝既積憂慙集作惶實深是以拜章上陳懇詞自叙冀迴聖鑒更擇時賢豈意辱肯重臨

綸言再下不令徇志且遣守官大君之成命已行微臣之
所懇不遂誓當戮力盡瘁粉骨捐軀知無不為有集作
不避冀答君親生成之德用酬乾坤覆載集作之恩集作
激血誠慙惶戰越之至謹奉陳謝以聞

金蓮玉葉開
蟬伏闕心坎以林漢尚無割土答來恩百坐冬幸謝慙
戰輝單不盡於時天書恩制曲恩外烈引手料紫武心
小長吐豈能常憂罪矣恩制餘言每驚謂奉律荷恩

文苑英華卷第五百九十九 表四十七

請聽政

中書門下請聽政表三首

勸釋服聽政表三首

勸聽政表三首

宰臣等請聽政表七首

禮部為文武百官請聽政表二首

中書門下請聽政表三首 于邵

臣某言臣及文武百寮上乞奉遵遺詔俯垂聽政迨于再
三尚阻羣請所天未覆何地自容伏自焦惶罔知攸處臣
以因心之感是陛下私戚顧命之重是先帝至公未有因

私戚而忘至公居大寶而懷小節者也且漢文昔王之賢者豈欲垂訓作則自虧其道而後嗣忘其孝思蓋所以垂時制禮從權體國千載不易直道而行曾參閔損俯就者家也周康漢景抑就者國也安以一家之行而墮萬國之務乎今陛下禮以自拘為全孝臣謂從而觀志存其中則明遺制不可徇禮而忽萬務不可一日而曠臣又聞之子事父以無違臣事君以替否臣陪陛下霑承末命臣言未感其受不忠陛下固辭豈得稱孝特乞受憑几之顧託損蓼莪之哀思以時闡皇綱創帝範副人之所望悅億兆之心寧止宗社焉依實將教速及披肝屢啓冀獲哀從無任崩迫彷徨之至

第二表

臣等欽承顧命遵守舊章冒陳至理上喧霄極冀迴三舍以幸萬方而呼天未聞觸地無厝庶僚何恃而不恐率土何仰而不憂至如仙駕在天玄猷未遠窮崩之慕臣子之極同况陛下新離供養纏哀風樹誠不宜屢黷嚴續仰傷聖心臣等備位台衡與國休戚所顧者小節所全者大體是用頻煩于奏殞越為期臣其中謝竊以三漢成規備乎六冊六宗遺範列在史官歷羣聖無以易其儀貫百王無以更斯制則知聖人達節而俯就王者屈已以徇時故周發誓師當未葬之日康王作誥繼憑几之哀夫大孝在於述先執禮懲乎發疑作廢命所以伯魚止慟稟趨庭之規孝

景抑情循易月之制弛張期乎得中壓降在於適時今中
夏雖寧而外郊猶警幸屬千年嗣聖九有惟新顧循問豎
之初迨今宅憂之日已交肫魄不決外虞普天率土任重
事殷一日暫曠萬務所擁况翌日之詔手澤猶存敢忘導
揚以塞恩顧且小大之理須稟聖規聽斷之期已違先青
庶政羣情惟上帝之降命屬陛下以黎元宜以闡皇綱創
帝範副靈祗之望悅兆庶之心焉得極蓼莪之哀忽宗社
之重伏惟陛下仰思無改之道俯戒在茅之責抑損至情
覽決庶務存萬代之固遺一介之善率繇大道克允至公
天下幸甚天下幸甚

第三表

臣某言稱情立制禮經美人道之文屈已從宜前史稱
主之孝故魏文膈臆以莅事晉襄綰經而從師誠有由然
非不懷也伏惟皇帝陛下屬當聖業纏思遺弓至性出於
自然孝情稟於天質雖考妣之慟被於含齒而皇王之道
寧有常心天下之志宜通太陽之照難闕况百度惟始萬
日未張遂叫帝閭期抑舜慕雖封章累至而閭闔不開九
服失圖羣司沮色豈悟至誠不昧有感必通今日中使某
至伏蒙昭廻天鑒允納窮款皇風廣被神詔沛然觀象於
天同伏羲之始畫奉先思孝狹武丁之不言厭極二字疑愛
於祖宗體前行之覆育周漢所以繼理政術魏晉由是經
綸理道實足垂風萬古作範百王銘億兆惶惑之心示人

祇聞奏之路百穀荷膏雨之澤羣生觀天地之初以悲以
歡載號載懼云

勸釋服聽政表三首

臣某等言再奉恩勅一作聖心未慕未忍割哀過大祥則
素衣練冠銜恤聽政當外除則降從禫服以終喪紀者羣
臣等重於荒迫之中頻奉不忍之詔精魂飛越兢惶失圖
臣某等中謝伏惟皇帝陛下孝心自天孝道逾禮宅憂之
日痛感人神顧命之文興言不忍微臣等前後五表昧死
上陳雖皇恩抑從而猶至十日自鼎湖昇馭俯及祥除其
間唯見羣臣禮展哀感又伏聞杖不能起哭不絕聲常膳
頓減至於一溢一作以王者之尊過承皇天之毀然臣等伏
以三年之喪古稱云達禮者前王之舊制也三日而聽
二十七日而釋服者先皇之遺令一作也今陛下不勝
極之痛欲遂因心之哀遠追前古之禮近廢無違之義愚
臣荒塞莫知死所且梓宮未遷於陵隧聖慮方切於哀號
一作雖釋服從一作朝慰撫臣子猶恐天顏慘戚率土不
安羣臣未通庶事皆闕今方以練冠爲易月之服禫制終
諒闇之喪羣臣進見莫勝憂戚又安敢議及時政下延兆
庶者哉遐邇幽明同知不可伏乞聖情深思園陵興作之
務仰順先聖殷憂之說上尊祖宗傳襲之典精釋服之注
俯從有司銜哀未懷豈有時日萬人之命懸在聖躬令臣
等昧死請不奉詔上冒宸嚴心竄兢悸言辭失序無任憂

國切一作迫之至

一作皆唐類表

第二表

臣等至哀至切昧死上表乞奉遺詔順時釋服日月有期

而精誠未達率土臣子未類表知所從况在朝行伏待斧

鑕臣等伏以昔漢文帝初制易月之禮以為帝王者不可

因喪而廢政若君上重服則率土何心爰建此儀以垂後

葉自爾至今殆千載矣豈無哲王皆所尊奉聖朝奄有四

海撫寧萬邦重光睿圖孝理天下臣不敢備引前古以煩

聖聽英華作德非乞畧陳玄宗先帝即位故事者老當月所聞

見者皆以日易月依禮外除有司繼存儀注尚在臣敢聞

冒伏受嚴刑且先王制禮禫服止於兩月為日正當

今詔昔降從禫服類表以終喪臣雖固類表陋不達禮

今服禫三載實所未聞况君者天也豈有天意慘愴萬物

得遂其性父懷隱痛赤子得安其心哉陛下若固違羣言

未奉遺詔非唯臣子哀懼實恐蠻貊不安非陽和發生之

道聖人順物之義愚臣等心之所切抵冒國章刑神悚越

文理繁穢頻黷旒宸度感天心雖死之日將無所恨無任

荒悚之至

第三表

臣某等言伏聞事有至公不敢避責確守臣節不敢逃刑

天心未從有死無二臣伏以大行皇帝憑几顧命俾二十

七日而釋服者蓋以天下事重軫慮于懷陛下至孝一作

情至

純深必多損毀竊恐因創巨之痛忘艱難之業累聖鴻緒
萬邦赤子或一事不得其所豈非重服傷生之患哉所以
當大漸之辰託殷憂之命蓋緣社稷之遠計須抑陛下之
至情遺旨若此猶未忍割哀况一作無制命則如何上請

且攢宮尚臨於前殿陵寢方興於復英華作厚非土朝野縞素

殆將三旬雖聽政俯在於天心而庶務未親其萬一今又

禫服終制普告四方典章文物何所設施一作將何所設且西戎

北狄頃歲未賓涼秋氣高每伺邊際今若聞國有大故喪

又未除姦謀或生事則非遠一作遠慮雖皇威遐振應時掃除

然恩患之道一作前必戒不虞善師不陣蓋在此也今陛下

若御常服決大務不逾月之內天聲被於八極凡厥夷蠻

聳聽皇猷自然大者畏威小者懷德稽顙率賦疆場無虞

告成之功上薦於帝則先皇帝之遺旨一作命行矣天子之

大孝備矣羣下之所願遂矣萬國之兆庶安矣陛下不思

此事之利害忍違臣子之誠心此臣等所以兢惶無措哀

迫失圖叩心三請上冒天憲死而利國臣不敢辭臣之丹

心天地明察無任兢迫之至一作皆唐類表

勸聽政表三首

陳諫

臣某言伏以大行皇帝導揚天命付陛下以宗社託陛下
以殷憂俾抑情以順人節哀以聽政伏惟皇帝陛下哀思
至孝與天罔極不忍遵奉喪過乎哀羣臣上陳未蒙降允
荒迫之至不知所措伏以上天降禍率土號慕哭泣之哀

喪紀之節凡在臣子所宜同哀一作懷豈合此時再三陳請
但四郊尚有師旅萬國未登和平衆事從宜兆人思理當
通變之日非慕已疑之時陛下臨之決辰則雍熙可觀廢
之一日則憂慮或生所以遺旨殷勤俾三日而聽政非欲
抑陛下至哀之情蓋為社稷萬人之計不得不爾也臣聞
周稱成康漢稱文景咸為至理之主百王則而象之然成
王有顧命康王翌日而踐祚文帝著遺令景帝釋服而視
朝夫豈無私懷為至公抑也伏惟陛下省當時安危之理
順普天延企之望睿謀光於八葉成天子不匱英華作遺之孝
答先聖乃眷之情一作懷凡在生靈孰不悲戴臣等時逢繼
聖位忝通班犬馬之心不勝哀懇 一作皆唐類表

第二表

臣某言臣聞先王立禮所以安邦國一作國家定社稷也帝王
喪制之義古今損益不同蓋時有安危禮有沿革當萬邦
無事可以諒闇屬百度思理固當節哀時殊事異不得不
然至於罔極之情一作懷孝思一作因心之感皆由率天性隱痛
深焉或不在喪服之輕重臨朝之遲速也臣謹案孝經云
事天明事地察德教加於百姓刑於四海蓋天子之孝也
又禮中庸曰武王周公其達孝乎夫孝者善繼人之志善
述人之事者也臣等伏考前典保寧家邦嚴薦胙一作薦
於九廟流慶祚於萬葉此所謂繼先皇之志也哀痛既往
經營將來致干戈於不用登兆庶於壽域此所謂述先皇

之事也陛下儻忘此二者未忍哀情固違百辟之誠請不
咨前王之故實其若天地宗廟何其若萬方四海何臣等
位忝班行同國所戚不任哀迫之至 一作皆唐類表

第三表

臣某等言昔袁盎以漢文孝過於魯參臣今伏以聖情之
慟過於漢文遠矣凡在羣下孰不歸仁臣等荒迫之中竊
有所感伏以大行皇帝深惟天下之重憑几顧命俾陛下
三日而聽政今顛顛萬國企聞王言已七日矣而銜哀未
慕未忍抑從尚 一作豈 可謂奉先皇之旨行天子之孝乎大
行皇帝封植萬邦傳之陛下屬艱難之運當金革之辰庶
務權宜懸於畧刻如或一夫不獲一事不理雖陛下

大舜跡齊武丁豈可謂負荷祖業永和 一作安 兆庶之望

一作平 臣等荒愚未見其可所以前後三表血誠上請祇冒

宸扈戰越伏深無任憂戚 一作感 之至 一作皆唐類表

宰臣等請聽政表七首

林逢

臣等聞王者之孝不可與士庶同萬機不可以逡巡曠典
策所載古今必然伏惟皇帝陛下出震纘圖體乾御極荷
祖宗之丕烈啓運祚於雍熙自大故已來孝思罔極天地
以之慘戚臣庶以之震駭而節文有變遺旨無違伏乞稍
抑哀懷俯親庶政冀使生靈獲泰日月重明臣忝列台司
謬叅樞務無任懇悃之至

第二表

臣某言伏以萬機事繁不可久曠今則披歷血誠乞親庶
政聖情哀塞未允愚衷夙夜兢憂是再陳啓伏惟皇帝誕
受欽明夙誠疑睿哲道光王室運屬承天而孝感因心悲
摧過毀一自國故殆逾半旬誠四海哀號如喪考妣而萬
靈顛若未覩乾坤伏冀思繼體之大猷棄執哀之小節行
帝王代天之法薄會閔匹夫之情特抑哀懷俯躬朝政宗
廟之業未遂和寧社稷之靈知其允答况事非爲已道本
徇公一作人仰惟聖慈俯塞羣望臣等叨逢景運獲列樞衡
昧死竭愚布露丹懇伏紙殞越庶垂天鑒

第三表

此篇柳宗元集中誤收作第二表
晏元獻公云是林逢作决非宗元

臣伏奉大行皇帝知陛下至性自天恐陛下執哀過毀上
懼九廟之重下念萬務之殷故遺詔丁寧俾遵舊典今
辟卿士顛然在廷瞻望清光已七日矣固陳誠請猶未允
從內外憂惶莫知所出臣聞大孝之本繼志爲難酌禮之
情尚抑集中爲貴是以哀迷期數哭泣有常俯而就之聖
人所重知難繼也君子不爲伏願少抑哀情抑集仰遵禮
命以副神祇之望以安億兆之心光祖業於無窮流德教
於千古抑集凡在臣子孰不悲戴不任哀懇誠切之
至

第四表

此篇亦誤入柳宗元集作禮部爲文武百
寮請聽政第三表按表文云兩河之寇盜
雖除百姓之瘡痍未合乃是穆宗敬宗時
事宗元元和十五年卒誤收何疑

臣某等言伏以萬機事抑集重遺旨難違再獻表章上塵

旒宸精誠徒竭天意未迴內外遑遑人神企望臣聞王者
 之孝異於匹夫禮不相沿道資適變向抑集作當承平之代故
 殷帝宅憂而不言遇有事之時則周王未葬而誓衆况今
 戎車猶駕邊候多虞兩河之寇盜雖抑集作難非除百姓之瘡
 瘼未合亂者思理危者求安天下嗷嗷正在今日誠宜抑
 其至性以副羣心成先帝之大功繼中興之盛業豈可寢
 苦啜泣庶政闕然九廟之靈何報萬方之望何塞臣等職
 參樞近誠切邦家若陛下未忍臨軒尚持前志臣等有死
 而已不敢奉詔不勝哀迫懇切之至

第五表

臣聞樹之元后以牧蒸人猶日月之照臨不可以少曠
 天地之覆育不可以暫虧故歷代明王取鑒於此必屈已
 以徇物遂抑哀而從宜期為彝章行於往古聖心哀迫未
 體至公羣臣憂疑罔知所措伏惟皇帝陛下溫恭允塞邁
 德文明承二百年之丕圖當十三聖之大業生靈所屬負
 荷不輕豈宜直疑貌棘心蹈小節而自遂寶符神器委大
 計而未臨且萬機事殷九有望切運當克構政在惟新顯
 顯蒼生日有所冀伏乞皇帝以安黎庶為念以保社稷為
 心對越上玄克揚顧命俯從人願用答天休臣之悽悽實
 在於此况萬國將至七月匪遙須務山陵以申孝敬在於
 營奉不可曠違抑有前規固無徇已伏惟特膺順變允叶
 情文抑至性而副羣誠畧小善而章大道則天下幸甚宇

內和寧臣等生忝明時位當樞軸敬同羣品重啟宸嚴悃
幅之誠至於死請云

第六表

臣等昧死上表以陳備竭肝膈聖情超遠未蒙聽覽臣等
中謝臣等謬膺燮贊猥奉恩私未廻日月之光是負股肱
之寄豈臣心不忠無能感寤今者萬機之曠四海同憂顛
顛衆心不安寢食以陛下聽政之期未尅執喪之志尚堅
臣等當伏閤叫一作閹殞身碎首所期宸鑒下察微誠不
勝迫切之至

第七表

臣等言今日日已後累陳七表請御萬方忽蒙宣旨尚未
聽許臣等驚怖不知所裁敢徵前言以奉萬一伏惟
諸帝文稱明聖而著易月之典以爲後代之法光武已降
迄于我唐繼有睿哲之君不無明聖之主豈皆乏殷宗之
孝豈盡無陛下之心但以所守者祖考之不圖所臨者生
靈之重事不敢徇其已以屈萬姓不欲申其志以盖百王
具在典謨莫得逾越况元和已前十一聖矣皆以孝理化
於萬國迭承次守無議改練大行皇帝恭承昌緒亦遵前
訓當陛下舊規或暨忠言莫從遠棄漢文之風烈近乖先
帝之遺躅獨向一時之至性臣恐掩祖宗之舊儀不足以
流範越大行之性度不足以揚名夫喪以敬爲上哀亦次
之著在禮經陛下之所鑒也伏維以社稷爲心以邦國爲

念以奉山陵爲至敬以安社稷爲至勤薄會閔之非名纂
堯舜之盛業副中外之丹款濟蒼生之血誠臣等悽悽不
寧寢食况臣等備任宰衡時逢日昃運答先朝之眷遇承陛
下之文明伏乞俯察愚心允效羣望期於得請昧死上陳
今樞務之日曠廢已久朝野心惑人祇望切安可盤桓更
延時日伏乞更賜允許以慰上下億兆之誠立俟聖諭畧
刻是望無任

禮部爲文武百官

集作寮

請聽政表

柳宗元

臣某等言臣聞大道必體於至公大孝無

集作莫

高於善繼

上觀列聖旁考前王罔不俯就禮文仰承大事嚴奉宗社

集作

慰安黎元然後德教惟新邦家未固伏惟皇帝陛下

竊嘗泣血號慕無時貫於

集作于

神明動于天地未臨庶政

猶徇至誠凡在人臣孰不哀懼伏以

集作惟

先聖遺旨仰陛

下抑哀而聽政本朝乏人使臣等竭忠而

集作以

奉上非敢

懼死輒布懇辭朝於必從以慰寰宇且王業至重軍國方

殷一日萬機

一作萬機之事

不可暫闕伏願追遵顧命蹈履成規

恢王者華夷之望順上帝乃眷之懷臣等不勝哀迫誠懇

之至

第二表

臣某等言臣聞聖凡殊途邦家之運繫於王者捨已從物用
身許天雖屠達矣猶以事奉天以事奉天道成鑄鼎仙
等馭龍萬姓長號九有以明睿聖嗣守寶圖

爰及宅憂迨茲累日而孝思罔極尚冀為備之言庶政未
登頗闕如絲之命臣等嘗覽載籍粗知喪紀若成周顧命
歷代猶遵西漢遺詔前王所奉我國家以孝理天下文明
應期上類用此法胥以傳教蓋事歸至當則不可不遵
禮貴從宜則不得不守理固然也臣等是敢集作上陳愚
懇輕黷宸嚴冀遂血誠俯親國政而陛下執喪逾切聽理
未聞億兆嗷嗷不知所訴臣以為天子之孝在於保安社
稷司牧蒸黎功超百王慶流萬代亦何必守臣下之小節
蔑皇王之大概固阻羣情務成謙德伏願以遺詔為念奪
在疚之懷就臨軒之制天下幸甚幸甚不勝哀惶懇道之
至

表四十八

英華卷第六百

請勸進及封岳行幸

表四十八

勸進梁元帝表二首

請復子正位表一首

為齊州父老請陪封禪表一首

為朝集使于思言等請封中岳表一首

請許封泰山表一首

百官請不從靈駕表一首

在神都留守請事駕還洛表一首

諫則天幸三陽宮表一首

李採訪請駕停金牛一日表一首

為京兆第五尹請車駕廻西京表一首

勸進梁元帝表

徐陵

臣陵言臣聞封唐有聖還承帝書之家居代維賢終慕高皇之祚無為稱於幸為至治表於善衣而撥亂反正非聞

一作前古至如金行重作源出東亮炎運猶昌枝分南頓

豈得掩顯姓於軒轅非才子於顯項莫不因時多難俱繼

神宗者也伏惟皇帝陛下出震等於助華鳴謙一作明讓同於

旦奭握褒秉鈇類聚作握圖執鈇將在御天玉騰一作勝珠衡先彰

類聚作章元后神祇所合一作命非惟太室之祥圖謀一作畫類聚作書

斯歸何止堯門之瑞若夫大孝聖人之心中庸君子之德

固以作訓生民貽風多士一日二日研覽萬機允文允武

包羅羣藝擬茲三大賓是四門歷試諸難咸熙庶績斯

得而稱也自無妄為象鍾禍上京梟鏡屢劄宗蕩陸

頭鐵額興暴皇年二十四字一作無妄為暴皇祚寢微封禘脩地行災中國

靈心所宅下武其興望紫極而行一作長號瞻冊陵而殞勸

家寬將報天賜黃鳥之旗國害宜誅神奉玄狐之錄一作錄

尅李軼於河津征陶謙於海岱滕公擁樹一本作面擁蓋避諱也出漢書

滕公夏侯嬰傳雄氣方嚴張繡交兵風神彌勇忠誠貫於日月孝

義感於冰霜如雷如霆非龍非虎一作如前驅致命元惡

斯殲既挂瞻於西州方然臍於東市蚩尤三塚寧謂嚴誅

王莽千段一作刺非云明罰青卷赤狄同界狼豺胡服夷言

咸為京觀邦畿齊濟還見隆平宗祀一作惜惜方承多福

自氛一作氣氤渾沌之世一作來陸之君卦起龍圖文因鳥

跡雲師火帝非無戰陣之風竟善其征咸用干戈之道星

躔東井時破嶺潼雲震南陽功乎尋邑未有接三靈之已

隆救四海之羣飛赫赫明明翼行天罰莫如當今之盛者

也於是卿雲似蓋夜映姚姒甘露如珠朝垂原一作景寢之

房感德咸出銅池實英何辰無勞銀剪重以東漸玄兔西

踰白狼高柳生風扶桑銜一作日莫不編名屬國歸貢一作

賈鴻臚荒服來賓遐邇司慶一作其文昭武穆附粵也如

彼天平地成功業也如此久應旁求掌故一作詢詔一作

天官斟酌繁昌經營高邑宗一作王啓霸非勞武德一作

之候清蹕無虞何事長安之邸揚龍一作旂以饗帝御鳳

表以承天曆數在躬疇咨一作為讓去七月二十四日無

歡騎常侍柳暉等至鄴伏承聖旨謙冲為而不一作

云洛一作陽未復函谷無泥旋駕金陵方膺天睭愚謂大

庭少矣非有定居漢祖殷宗皆無恒宅登封岱嶽且署一作

循明堂巡狩荆州一作時行司隸何必西瞻虎踞一作乃

建王宮南望牛頭方稱天闕抑又聞之玄珪既錫蒼玉無

陳乃械樸之愆期非苞茅之不貢雲和之瑟久廢甘泉孤

竹之管無聞方澤豈不懼歟伏願陛下因百姓之心振一作

極萬邦之命豈可逡巡固讓方示石戶之農高謝為君一作

君徒弘箕山之容未知上德之不德惟見聖人之不仁率

主翹翹蒼生何望昔蘇季張儀造卿負俗尚復招三方以

事趙請六國以尊秦况臣等預一作奉皇華親承朝命珪

卷一百一十五

卷一百一十五

卷一百一十五

璋特達通聘河陽貂珥雍容尋壘漳水加罕敗館隨世一作

勢汗隆瞻望鄉闕一作誠均休戚但輕生不造命與時乖

等一作一介之行人同三危之遠擯承間內殿事絕耿弁

之因一作封奏邊城私等劉琨之哭不勝區區之至謹拜

表以聞臣陵云一作皆梁書元帝紀

同前 沈炯

臣僧辯等言衆軍以今月戊子英華作物集建康賊景島

伏獸窮徒爲擊搏一作擊頻挫力一作竭詐盡深溝自固臣等

分命將士一作勤武旅百道同趨突騎短兵犀函鐵楯結隊千

羣持戟百萬止紂七步圍項三重轟然大潰羣兇殄一作

滅京師少長俱稱萬歲長安酒食於此價高九縣一作

會清朗矧伊圓一作首誰不載躍伏惟陛下咀痛茹哀

憤銜一作忍憤酷自紫庭絳闕胡塵四起恒山易水一作垣好疇

馬雲屯泣血思治一作嘗膽誓衆而吳楚一家方與七國

俱反管蔡流言又以三監作亂西京義衆阻強秦而不達

一作并州遺民跨飛狐而見抵一作豺狼當路非止一人

鯨鯢不梟倏焉五載雄一作武克振哀一作耻並雪不申

二字一作霜露如何可言一作臣等極依故實奉脩祖廟一作使者持節

分告園一作陵嗣君升一作殯承華掩曜梓宮

莫測並隨局一作備辦禮具凶荒四海同哀六軍祖哭

情敦孝友理增一作感勸日者百司群岳一作仰祈宸鑑

以析一作錫一作珪之功既歸有道嘗登之禮又一作屬聖明而

優詔謙冲宵或作然凝遊飛龍可濟一作而乾爻在四常

闕云叫而閭闔未聞謳歌英華是用題首所以越人類聚

作楚固執燠丹穴以求君周氏英華越一作岐山而

事主漢王不即位無以貴功臣光武英華王一作不豈謂

紹宗廟黃帝迷遊一作於襄城尚訪治民之道放勛寂一作

於姑射當一作使罇俎有歸伊此儻來豈聖人所欲帝王

應運一作所應不可然一作不獲伏讀璽書仰承一作制旨

顧懷物外未奉慈衷陛下日角龍顏之姿表於狗齊之日

彤雲素氛之瑞基於應物之初博覽則大哉無所與名深

言則曄乎昭章之觀忠為令德孝實動天加以英威茂略

雄圖武筭指麾則丹浦不戰顧眄則板泉自蕩英華七十六

下威竊則板泉自蕩英華地維絕而重紐天柱傾而

鑿河津於孟門百川復啓補穹儀於一作五石萬物再生

縱陛下拂袵衣而遊廣成登弁山而去東土羣臣安得仰

訴兆庶何以歸仁况郊祀配天壘觴一作禮曠齊宮清廟

邊豆一作不陳仰望乘一作輿匪朝伊夕瞻言法駕載渴

且飢豈可久稽衆議有曠彝典一作况舊邦凱一作復函

洛已還一作高陵櫟陽宮館雖敗一作榮一作河清洛

一作佳氣斯在一作臯門有伉甘泉四敞土圭測景仙人

承露斯蓋九州之宇縣六合之樞機博士奉一作圖書而

稍還太常定禮儀而已立一作豈得不揚警蹕一作而赴

名都振一作玉鑾而旋正寢昔東周既遷鎬京遂其不復

長安一亂陝洛未以為居

英華作不夏禹以為君非萬國朝諸侯

文王以六州匡天下方之

無之方二字王跡一作基百里劍拔一作

杖三尺以殘楚之地抗拒六

一作九戎一旅之卒一作師剪夷

一作滅三叛坦然大定御辯

一作筆東歸解五牛於冀州秣六

馬於譙郡緬求前古可得比歟

一作其對揚天命何所讓

德有理存焉敢重所一作所

奏臣僧辯等誠惶誠恐頓首頓

首死罪死罪

一作皆梁書元帝紀

請復子正位表

武后

蘇安恒

此篇唐書作疏又載六百九十四卷封建門題作請皇

家諸孫姪疏

為齊州父老請陪封禪表

駱賓王

臣聞元天列象紫宮通北極之尊天

集作大

帝凝圖玄猷

東巡之禮是知道隆克澤

集作光宅

既輯玉於雲臺績劭集作業

禋宗必塗金於日觀

云云

伏惟皇帝乘乾握紀纂三統之

重光御辯登樞應千齡之累聖故得河浮五老啓赤文於

帝期海薦四神奉冊書於王會瑞開三春祥洽五靈既而

緝總章之舊文摺碎雍之故事非煙翼軼移玉輦於梁陰

若月承

集作乘

輪秘金繩於岱嶽臣等質均芻狗陰謝桑榆

幸屬堯鏡多暉昭餘光於連石軒圖廣運

集作

追盛禮於

撥金然而鄒魯舊邦臨淄遺俗俱穆二周之化成稱一變

之風境接青疇俯瞰獲麟之野山開翠吧斜連辨馬之峯

豈可使稷下遺氓頓隔陪封之禮淹中故老獨奏

集作奉

告

成之儀是用就日披冊御覽於之三舍皇雲扞素叫天門

集作於九重儻允微誠許陪大禮則夢瑗係意觀仙閣集作

仙以相驩就本殘魂遊岱宗而

為朝集使于思言等請封中岳表 武后 崔融

臣某言臣聞易有大極是生兩儀有父子焉有君臣焉道

莫尊於三皇皇合符於奕葉德莫高於五帝帝展事於云

亭禮莫盛於三王報功於岱畎政莫隆於兩漢紀號於仙

閭皆所以省方觀人增天益地刻玉篆印金泥激清流於

滲漉翔仁風而萌動然則業隆不封禪何以答三靈道備

不巡遊何以會萬國為人上者可不敬哉 中謝 伏惟聖母

神皇陛下寶命細縕立期盼蠻包混元而建極宅造化

開階剖靈符於天合至德於地溼澤浸潤萬物恩光明照

四海不言而含氣風從無為而流形日用允所謂榮鏡絕

代禪歷振古者焉臣聞古之聖王受命者然後得封禪又

云功成道洽符出乃封又云致太平必封禪今陛下獲瑞

銘於廣武得寶圖於温洛星連月合雲起風搖上以擁神

休下以塞天望崇徽號定都邑文質再而復正朔三而改

義在得天乃立天統非受命者孰能臻茲因時創宜以順

制逆建三廟崇五學廣太學以教胄子開明堂而祀上帝

彼東夷西戎南蠻北狄殊方絕界窮幽極遠蠢然莫敢不

來享莫敢不來王非功成者孰能臻茲三階平萬方晏巖

廊無事囹圄云空獄訟清而王風淳禮樂和而人氣樂衝

路有鴈行之序邑里得鷓居之時五尺童兒羞論霸道八
十父老不知帝力非道洽者孰能臻茲乾符總集不召而
自至坤瑞昭昇應圖而合謀慶雲出神池涌毛宗擾羽族
馴樹連理而麥兩岐 黃黍而 玄秬匪朝伊夕以時繼
年非符王者之瑞孰能臻茲命既受於天矣功既成於人
矣道已洽於古矣符已出於今矣若此者非太平之効歟
可以升中名山可以肆類上帝嵩嵩維岳峻極于天風雷
所起設險於畿甸霜露所均作鎮於邦國雖復千八百處
未常遊玉女之臺七十四家不能幸仙人之洞區區漢武
止聽三呼汲汲晉炎但誼羣議臣等竊以爲秘籙有云中
岳之神姓武天意若曰神皇其封中岳乎藏識締以流傳
符祥而待聖顯見神跡覺寤黎蒸天祚岳姓必將封
神岳者非陛下而誰由是王公侯伯日夕登封之奏禮官
博士歲時符命之書鴻儒碩學思獻儀於野外川后山祇
願前駐於闕下天人之望久矣陛下何得而辭哉伏乞深
惟至公仰祇靈睠傍稽瑞命俯順昨歌龍駕帝服背河洛
而上圻星陳天行指輟嵩而東邁石芝生而五色可以爲
盛貝樹長而三化可以爲籍埋玉報地燔柴告天載巍巍
扇翼翼上以答昊穹之儲社下以副率土之歡心未保鴻
名長爲稱首盛矣美矣猗歟備一作歟臣等忝職外臺受
委方玉宣太平之風化聽古老之謳謠望屬車而未來思
叫一作閣而至極庶千年一會陛下垂不讓之恩使五載

四朝羣臣有慶成之地孰不幸甚不勝悃欵之至謹詣朝
堂奉表誠請以聞

請許封泰山表

已見五百五十六張說

百官請不從靈駕表

李嶠

臣嶠等言伏以靈駕道

疑作

途聖恩攀從國計非便羣臣

不安冒昧上析未蒙哀允跪對還旨載深惶惕臣嶠等

謝臣聞古者天子上法天心不極私情違衆欲以順人理

國為孝以克已制心為禮是故凡聖具禮公私殊制私心

獨展凡人之孝也萬姓咸若聖人之孝也陛下行堯禹之

事以萬姓為心柰何守曾閔之節懷獨展之願臣等

竊所未曉且永淳已後關輔流散近適旋定人猶未足

山陵起築役徒物萃彌春涉夏為費弘多若陛下此行

司畢從於人取給臣實難之水旱小憊農慮非淺東都則

水漕淮海易資鹽穀之蓄陸走幽并近暨戎夷之便朝命

新復人望安在宜應靜鎮未可移動陛下若俯順羣願留

撫都人則其安如此若不勝私情攀奉靈駕則其慮如彼

况扈從兵馬既不預集行宮廩蓄又未先備發期俯邇支

計闕然倉卒敦迫必不敢辦若待陵寢安厝霜露終感三

農歲稔萬乘時巡奉郊廟以展虔瞻日月其何遠今固將

杼私戀棄羣言忘人力茂國用此實非陛下安集新業之

故亦非先后憐憫遺人之意且朝廷故事典章猶在獻陵

追遠太宗不至於三元昭陵上遷高宗不至於九峻豈先

帝私懷不堪故事羣臣公議之所奪也伏願仰遵舊訓顧
定新基屈至情而順羣心抑小節而成大孝使軍國長筭
函洛皆安邦甸窮人賦歛少減萬姓翹望實深至願百寮
結誠期於死請無任悲迫之至謹詣朝堂奉表固請以聞
在神都留守請車駕還洛表 武后 前人

臣嶠等言臣聞天下皆春而燕谷有析暄之律日中並照
而彭澤有隨陽之禽豈非承光飲和仰德廷鹿 二字 深於
戀者其往若不親渴於求者其來如不足以圭表既宅關
河馳怨思之誠鑿和未巡襄鄧切謳歌之慕帝車北指震
疑駕西臨槐檀 歷於四時舊茂 二字 猶淹乎八水者作
老延頸簪裾企望戴天有分徒嗟京兆之遙捧日無

竊恨長安之遠臣嶠等 中謝 伏以載祀七百卜年非豐

疑作 鎬之地時乘九五啓聖由瀍洛之鄉所以受龍圖龜書
所以朝雨師河 叶祥符於識錄採謀議於人鬼萬靈幽
贊百物阜昌是曰天地之心實興帝王之祚方使四夷為
守西賓屈無外之談六合為家東土壯居中之業况復圓
立方澤神祇之兆域以安複廟重 昭穆之尊卑既叙定
社而立稷建邦而設都是萬年長 之郊誠億載不遷之
宇寧可又曠中壤即安偏擬詠山河於漢舊訪宮室於秦
餘五載時巡曾無告至之禮四方述職仍以不均之患臣
等庸愚竊所未達今三秋告 參萬寶已成陰陽所和有一
稼穡徧茂却連澤潞汾曲叙 刺揚海隅萬度同殷千箱

一作並誅禾萌一作九穗未曰休徵穀石五錢詎名豐穰

加以舟車並湊水陸交衝物產充多觀聽胥悅衆庶有來

蘇之冀神靈翹望幸之心伏願陛下俯察氓謚仰祇天意

因銅省疑作雀之稔歲命玉鑿之仙軫消時擇日屯萬騎而

出函秦省俗觀風撫四人而還輦洛道遙乎九阿之阻容

與乎八表之路迴輿駐蹕觀十月之圃場關續凝旒問百

年之疾苦然後歸格道乎疑九廟明堂衆星拱列長居

辰極之尊萬寓駁驅詠朝宗之俯光輝將日月齊殷德

澤與江河北潤致乾坤之景福盡億兆之歡心凡在人祗

孰不欣幸臣等限以所守不獲親詣闕庭無任區區之誠

謹附洛州奏事使朝議即行洛州司兵參軍盧正言奉表

請以聞

陳則天幸三陽宮表後篇

張說久視元年為右補闕

臣說言臣聞明王集作主不惡切諫以傳覽忠臣不敢隱忠

以曲辭伏願陛下集作少加裁察臣說誠惶誠恐頓首頓

首死罪死罪陛下屯萬乘幸離宮暑退涼歸未降還旨愚

臣固陋恐非長舊唐書策請為陛下陳其不可三陽宮去

洛陽城一百餘後篇集本作一百六十里有伊水之隔嶢岉之峻遇

涉夏秋集作過水潦方積道壞山險不通轉運河廣無梁

咫尺千里集作從兵馬日費資給連雨彌旬即難周濟

陛下太倉武庫並在都邑積後篇集粟利器蘊若丘山後

積作山柰何去宗廟之上都安山谷之僻處是猶倒持劔戟

積作山

示人罇柄臣竊為陛下不取夫禍敗後篇集本作變之生在人所

忽故曰安樂必戒無行所悔此不可止之理一也告成華

及集本作福小萬方輻湊填城溢郭併插集作無所排斥却城非

君人蓬宿草次風雨暴至不知庇託孤惇老疾唐書後篇作病流

轉衢巷陛下作人父母將若之何此不可止之理二也造

設後篇作也臺奇巧誘掖上心鑿山䟽觀後篇唐書削巒起觀竭流

漲海俯貫集作地脉仰出雲路集作易山川之氣奪農桑

之士延木石運斧斤山谷連聲春夏不輟勸陛下作此者

豈正人邪詩云人亦勞止汔可小康此不可止之理三也

御苑東西僅三十里集作二出入來去後篇唐書作往雜人甚多

外無墻垣高禁內有榛藜谿谷猛獸後篇唐書集本作殺所伏暴

是馮陛下來往後篇唐書作往輕行警蹕不肅歷蒙密乘隙

卒然有逸獸狂夫後篇作奔突驚犯左右豈不殆哉雖萬全無

疑然人主之動不宜容易也易曰思患豫防願陛下為萬

姓持重此不可止之理四也今國家北有胡寇後篇作覲後篇邊

南有夷徠騷徼關西小旱耕稼是憂安東近平輸漕方始

臣願陛下及時旋軫深居上京息人以展農脩德以來遠

罷不急之役省無用之費澄心澹慮惟億萬年蒼蒼羣生

莫不幸甚臣自度芻議十不一從何者阻唐書集盤遊之

娛間林沚之玩規遠圖而替近適要後利而棄前躡未沃

明主之心已換後篇作佛貴臣之意然臣血誠密奏而不

愛死者不願負陛下言責之職耳輕觸天威伏地待罪

此篇又載六百九十四卷今已削去

李採訪請駕停金牛一日表 玄宗 常表


臣某言臣聞葵藿何稟猶每傾陽犬馬無知尚能戀主伏惟陛下廻鑾巴蜀指旆咸秦萬乘雷奔經劍門之險阻六宮雲從歷棧道以崎嶇恐天步有戢於登臨聖躬覽勞於行幸稍移玉輦將至金牛漢水梁城郡當所守蜀門秦塞路則居中乃微臣廁侍從之時宜陛下休羽儀之地伏望小停仙蹕寬一日之程覽奉宸居喜千年之遇臣忝陪宗室得備藩條懇款之誠倍萬恒品無任攀戀屏營之至奉表陳情以聞

為京兆第五尹請車馬廻一作西京表 代宗 于御

臣某言臣聞古公去邠初因一作狄襄王出鄭終見興周故能成九五之尊享八百之祚載在前史照然可知伏惟元聖文武皇帝陛下道合四國威加八紘一作啓中興之運弘下武之功殊方異俗重譯交順惟犬戎小醜敢亂天常陵逼豐鎬震驚都邑陛下理兵陝服遣將秦川鴟張未幾徇游自溺今八川底定萬姓怨思同一作懷奉一作日之誠共結屬車之望况地稱百二勢比咽喉足以橫制九圍財成六合陛下豈可捨山川之固為巡省之遊臣雖至愚竊知不可伏願謀及百辟俯徇羣心廻鑾舊宮駐蹕西夏使百川有朝宗之所衆星復環拱之方凡在一作形孰不幸甚無任懇款涕戀之至謹遣官奉表陳情以聞

文苑英華 卷一百一十五

陳情
陳疑情一作皆唐類表



[Faint bleed-through text from the reverse side of the page, including characters like '陳情', '疑情', and '皆唐類表']

